

罪  
惟  
錄



罪惟錄帝紀卷之二

惠宗帝紀

惠宗讓皇帝名允收懿文皇太子子太子妃常氏生二子

雄英相繼薨而呂氏以次妃生帝頭顱頗偏太祖拊之曰

半邊月兒幼聰明慈愷性至孝好讀書侍晏命題援筆奏

太祖顧懿文父子仁柔獨詣奉先殿卜不吉愠且喜私曰

不患無所托愁多一番事洪武二十五年四月皇太子薨

帝年十有六英哀毀幾不欲生太祖慰之曰毀不滅性禮

也請終三年喪禮臣拘天子以月代年例不許帝曰

例格於外而已終三年之間語不揚聲笑不露齒斷葷茹



不御內。友愛諸弟，與同寢食。太祖聞之喜。是年九月立為皇太孫。明年冊馬氏為太孫妃。重定諸王見東宮禮。時中外萬幾，例送東宮裁決。太孫輒濟以寬大。請改減律例七十三條。太祖曰：吾當亂世用重典。汝際澄平，宜輕之。後遵此行。太祖晚激怒，誅戮不測。太孫往往陳說古事，亦頗為霽容。偶戮囚得弑父者，釋之。太祖不悅，親訊之。則庸醫誤投劑，子坐不知醫也。復平反一盜首，係主人之子。出視庄，庄佃皆盜，誘以他事，並出不果。盜太祖問何以知之，對曰：周禮色聰為先。尚書惟貌有稽。臣見其視端，故測之耳。太祖曰：吁！決獄者不可以不讀書。太祖不豫，太孫侍疾，事必

躬親。雖褻至唾壺溺器不敢借。夜分達旦咳無不應。應無不起。率以婉容愉色承之。以是太祖病中遣責頗多。卒以太孫故多所全宥。及崩。太孫披髮哭踊。哀動左右。勅有司喪儀悉遵周禮。於是倣金縢遺制。前朝後殿左右角門及西宮內寢。允設座如生存。久不御者。藝香湯沐之。凡十一所。陳祖訓於東直殿。設重器於西直殿。京官四品以上朝服執鉞立於諸陛之上。自是六日晝不進勺水。夜不就枕。簞太孫體。故豐腴。至是骨立矣。

夏閏五月之十有七日。卒。外皇太孫即皇帝位。是日葬高皇帝於孝陵。後遺詔諸王母會葬。還御殿大赦。以明年為

建文元年。詔行三年喪禮。有司執例以請。一再不許。卒復諭曰。朕非敢效古人諒陰不言也。郊社宗廟。朕將執紼而從事。朝貢訟獄。固敢弗親。但朝則麻冕。麻衣。退則齊衰杖。食則饘粥。即何可不然。食稻衣錦爾等。果以為安乎。廷臣敬諾。定儀注以進。六月。上皇祖考大行皇帝尊諡廟號太祖。皇祖妣孝慈昭憲。至仁文德。承天順聖高皇后。追尊懿文皇太子。為興宗。孝康皇帝。懿敬皇太子妃常氏。為孝康皇后。尊母呂氏。為皇太后。冊馬氏。為皇后。子文奎。為皇太子。封弟允燧。為吳王。允燧。衛王。允燮。徐王。江都郡主。為公主。儀賓耿濟。為駙馬都尉。立孝陵衛。詔舉賢才。定保薦。

連坐法革冗員初省州縣大賚以中書舍人蹇義為吏部  
右侍郎戶部主事夏原吉為本部右侍郎命兵部尚書齊  
泰太常寺卿黃子澄燕翰林學士叅預國事燕王棣先諸  
王入臨授遺詔勒歸諸王滋不悅

秋七月詔漢中府學教授方孝孺為翰林博士尋陞侍講

直文淵閣奉太祖初命也以王紳為國子博士紳以書責

吏部侍郎蹇義浮沉不事事以朝天女戶張鳳等

係西宮  
殉葬宮

父之十二人為錦衣衛世千百戶有差時有告周王橚與

燕相代岷四府通謀帝召子澄泰密議泰欲先燕子澄曰  
燕強先周去燕同母媿乃命曹國公景隆即訊責貸甚王

楠不能應。遂坐王反執之。及其世子。削楠。為庶人。陸平江  
知縣王彥回。知徽州府。召韓宜可為副都御史。八月。百夷  
叛。總兵徐凱討平之。賜太學生高等衣鈔。歸省。以王叔英  
為翰林學士。雲南左右布政使張統。陳迪為吏禮二部尚  
書。徵處士楊士奇充編纂。授齊府審理副。時燕王選練士  
馬。用勾索逃軍為名。潛招致異人術士。隨以僧道衍知識  
數。屬為軍師。密語今朝廷人心所往。即奈何。道衍曰。天之  
所造人。無能為也。增國子監司業。以學錄張智為之。九月。  
雲南總兵西平侯沐春卒。以弟晟代之。增置陝西洮州茶  
馬司。



冬十月、四川岳池教諭程濟通術數、密奏燕兵起、不過明年、詔坐妄言罪、濟曰、幸囚臣待之下、濟獄上躬祭孝陵、魏曹二國公分攝兩陵、十一月、詔舉山林才德之士、前御史解縉奉諭歸學、期十年擢用、至是先期赴、以非詔旨、謫河州衛吏、帝以積勞視朝稍宴、御史尹昌隆切諫、帝為引過、時燕齊二王屢有變告、黃子澄以燕謀彰、露討之、不可不亟、帝以齊泰計、出工部侍郎張曷為北平左布政使、謝貴、張信都指揮使、託防邊患、調燕府護衛、戍開平、且詞燕動、定時有道士歌於途、莫逐燕、莫逐燕、日高飛、高飛上、帝畿已而忽不見、代王桂貪虐、將為不靖、方孝孺請全詣

四川就教於蜀王陞叅政王鈍為戶部尚書起鄭賜為工部尚書魏國公輝祖女弟為燕王妃而心在帝室加太子太傅與李景隆同掌五府軍事圖燕出燕長史康汝楫為安岳知縣十二月改天地壇為南郊祠釋黥軍及徒人還鄉起劉有年徒中知太平府副都御史韓宜可請待諸蕃當從寬大密防範勿遽誅討賜明年天下田租之半以壽州訓導劉亨言全方孝孺等大改官制陞六部尚書正一品增侍中一員位尚書下侍郎上翰林院增文學博士餘載志中

建文元年己卯春正月癸酉朔謁奉先殿朝皇太后親詣

孝陵上香。還御殿受朝。不作樂。戊寅。誓戒百官。齋宿文華殿。庚辰。郊奉高皇帝配。行脫鷩禮。孝孺進郊祀頌。勅脩高皇帝實錄。以禮部尚書董倫。翰林學士王景彰為總裁。官太常少卿廖昇。翰林侍講高遜志。翰林待詔方孝孺副之。國子博士王紳等六人為纂脩官。漢中府學教授吳子昭。知縣葉惠仲。齊府審理副楊士奇。訓導羅愜。馬龍他郎。旬長官司吏目程本立。預修。二月。詔京省開科鄉試。燕遣長史葛誠奏事。京師觀變。召問之。以實對。遂受密命。還燕。申令親王不得節制。文武吏士。詔養老力田興學。考察官吏。旌孝賑貧。掩骸埋骨。減田租。民鬻子者官贖。還之以周府紀善周是修為衡府紀善。留史局。三月。幸太學。祀先

師罷北平右布政使曾昱副史張璉謫典史陞暴清叅議  
北平訶燕事燕王宴清等及三司官使袁瑛子忠徹侍酒  
觀在宴氣色云清等皆不令終燕志益廣旋召清還燕王  
來朝抗不如禮有詔不問戶部侍郎卓敬密奏請徙燕封  
於南昌以絕禍本不報燕王還國北平僉事湯宗上變告  
逮按察使陳瑛安置廣西召謫成棧璉為翰林侍書詔布  
按二司官考察屬吏擢神策衛周濟為左僉都御史博士  
黃彥清出見小兒讓棗又道拾遺紗者留識而去以聞謂  
上德化所致帝曰昨宮人譁朕自引薄德譁止朕不能治  
宮中卿言何敢當帝用泰子澄計命都督宋忠調沿邊各

衛馬步官軍三萬屯開平。燕護衛精壯悉聽調選。隸忠麾  
下。胡騎指揮關童等向在燕府者悉召入京師。以都督徐  
凱練兵於臨清。都督耿燾練兵山海。而張昂譏貴伺肘腋。  
約期發。都御史暴昭等二十四人奉命充採訪使。巡行天  
下。問民疾苦。賞廉平。黜貪墨。得便宜行事。昭採燕事密聞。  
請曲防之。京師地震。詔求直言。御史大夫尹昌隆抗言。奸  
臣專政。陰盛陽微。致召天變。今宜罷兵息戰。召燕入朝。彼  
欲申大義於天下。不應便爾違戾。設有蹉跌。不失守藩。設  
沉吟不斷。禍至無日。雖求為丹徒布衣。豈可得哉。燕知福  
寧縣。帝久曰。求直言而以直棄之乎。復其官。

夏四月，湘王有異謀，潛兵討之。王自殺。齊府人曾名溪者，上變告廢齊王，搏為庶人，與周王同禁西內。幽代王桂岷王梗於其國，並廢為庶人。五月，燕使其世子郡王高煦、高燧至京師，祭太祖小祥，示不疑。齊泰請收之。徐輝祖亦曰：高煦勇悍，他日寧惟叛君行叛，必留之便。黃子澄不可。輝祖弟增壽力保無他，上遣之。燕王見其子高煦，乃大喜，以戴德彛為左拾遺，宋微為宗人府經歷。王叔英為翰林院修撰。六月，謀燕急，燕王詭稱病，長史葛誠伴讀。余逢辰密告布政使曷及都指揮貴，王無病勿誤。燕山衛百戶倪諒上變告，收官旗于諒，周鐸誅之。下詔讓燕，遣中貴逮燕府。

官屬密勅都指揮張信手致燕王信故輸致於燕貴知之  
方集兵圖王柵端禮門不得出入曷乃約護衛指揮盧振  
為內應飛策奏聞而為所親吏李友直竊以聞燕益迫  
秋七月四日壬申燕兵起與僧道衍定謀呼護衛指揮張  
玉未能等伏兵殿西廡偽縛所逮有名官屬示中貴令召  
曷貴即燕府授之曷貴不疑遽入伏起遇害玉等乘夜挺  
八百人攻九門克其八惟西直門後下伴讀余逢辰文學  
杜竒嵩諫不聽護衛指揮盧振不肯從龍及長史葛誠成  
被執不屈死按察使副使墨麟指揮同知李濟陳恭成稽  
首稱萬歲指揮彭貳粹呼兵得千人將入攻而遇府中健

卒出戰不勝死。都指揮馬宣。荅戰敗績。走薊州。北平都指揮俞瑱。奔居庸關。時都督宋忠以開平師次居庸。遇瑱。令瑱守關。而身退保懷來。燕乃自署官屬。以丘福。朱能。張玉等為都指揮。僉事。擢布政司吏友直為右叅議。戍卒金忠為紀善。以下筮從軍中。誓師。托言周公輔成王故事。但稱元年。削建文二字。上書請誅齊泰。黃子澄。名清。君側。遂攻薊州。馬宣敗績。與鎮撫曾濟俱被執。死。薊州陷。通州指揮房勝。遵化指揮蔣玉。容雲。指揮鄭亨。各叛。以城降。燕居庸關不守。瑱走懷來。懷來陷。忠與瑱俱被執。死。時都督同知陳賡來援。戰敗。退保大同。後亦被執。不屈死。而都指揮孫



秦彭聚死。尤烈。燕師攻永平。指揮趙彞郭亮叛。以城降。大  
寧總兵劉貞都督陳亨指揮卜萬朱鑑等引兵十萬出松  
亭攻遵化。亨墮燕間執萬下獄。以聞。時江北蝗。有司請督  
捕。帝曰。朕以不德致蝗。又殺蝗。以重朕過。其直陳闕失。赦  
疑獄。捐逋租。周窮乏。以備資政。是歲蝗不為灾。有秋。八月。  
以長興侯耿炳文為征南大將軍。駙馬都尉李堅都督寧  
忠為左右副將軍。同安陸侯吳傑江陰侯吳高都督都指  
揮盛庸。潘忠。楊松。顧成。徐凱。陳暉。平安。等帥師三十萬分  
道北征。釋程濟以編修叅軍事。帝日坐便殿。召學士輩討  
論。周官法。度勤。凡廟算俱付。泰子澄主之。祭告天地。誠北

征將士曰。昔蕭絳舉兵入京。而令其下曰。入門之內。自極  
兵威。不仁之至。今爾將士。與燕王對壘。務體此意。毋使朕  
負殺叔父名。書諭諸王。削燕屬籍。置平燕布政使於真定。  
以刑部尚書暴昭掌司事。贈翰林侍制王禕。為翰林學士。  
謚文節。文臣有謚。自禕始。大將軍師次真定。分遣徐凱駐  
河間。潘忠屯鄭州。楊松為先鋒。率銳師九十抵雄縣。約忠  
為殿。燕王乘不備。夜渡白溝河。疾攻。九千皆戰歿。城陷。屠  
之。而預遣譚淵設伏。月漾橋。劫忠援。忠與松俱被執。死。併  
陷鄭州。時大軍營滹沱河南。北燕萌我叛。將張保詐稱被  
縛。脫說炳文。雄鄭破降。燕師疾至。請移河南師。併力北禦。

燕王乘陣動、疾擊破東南壘、炳文與戰、大敗、閉城以拒、副  
將軍濼城侯李堅、審忠、及都督顧成、河北指揮劉燧、皆被  
執、成降、燕安陸侯傑、以兵來援、潰去、是役也、斬折筈五萬  
溺水、莫算、馬甲皆重、盡失、燕師圍真定、遷引去、廷議魏國  
公禪祖代、炳文北征、尋以燕內戚、召還、御史韓郁上書、請  
加恩親親、不報、九月、詔曹國公李景隆為大將軍、將兵五  
十萬、代炳文還、炳文老將善戰、至是、敗、帝始有憂色、子澄  
薦李景隆、文武未尚、書陳迪奏、炳文奸邪、不可用、工部侍郎  
鄒練、子寧復以為言、不聽、於是、衛府紀善周是脩、與靖江  
府長史蕭用道、咸上書、指斥用事大臣、誤國當事者、怒、詔

之是備議不奪谷王穗道還京其長史劉環獻十六策不  
報台遼寧二王還遼王植泛海至寧王權不至削其護衛  
江陰侯吳高及都指揮耿璫楊文帥遼兵圍永平而大將  
軍景隆師次河間山東叅政鐵鉉以督餉仍贊軍務燕王  
曰九江鑿子耳不知兵吳高怯易與吾故北援永平使景  
隆兵逼堅城在前勝師還擊南師必敗誠世子堅守北平  
勿與戰

冬十月吳高聞燕師至退保山海關燕諸將請還師南禦  
燕王曰大寧精銳盡壁松亭吾欲間道從劉家口疾掩大  
寧無備撓吾計者斬於是大寧果陷寧府長史石撰不屈

支解之。總兵貞與都司亨自松亭還，援亨與陳寬半道叛。襲貞降燕，都指揮朱鑑與卜萬成死之。燕王駐師城下，單騎入城，晤寧王，執手大慟，自陳窮促，懇為草表陳謝，遂巡潛結其所部，并諸降胡為用，乃謝去。寧王祖送郊外，伏卒劫寧王以行，大寧城空。時景隆聞燕王留大寧，全師壓城下，築壘九門，攻燒順城門。燕府儀賓李讓與燕將梁鉉等拒守力，夜選壯士縋城斫營，南軍退屯十里，都督瞿能獨與其二子率精騎十餘突入，張掖門銳甚，景隆忌能成功，兵不繼，燕師夜汲水灌城。明日，冰堅不可上，燕王以大寧諸軍及兀良哈三衛胡騎始立五軍，趣援北平。十一月，景

隆逆燕師於孤山，敗績再戰，復大敗，潰奔德州。北平圍解，燕王再上書陳情，帝名削齊、秦、黃、子澄，官仍密預謀議，傳諭天下。著燕藩逆跡。十二月，省躬殿成，徙吳高於廣西，以楊文鎮遼東，誅岷府典膳李英。燕兵出紫荆關，攻大同，計勞我師，守將楊宗叛，以廣昌降。於是靈丘、蔚皆下。景隆疾援大同，南軍凍多僵死。河北指揮張倫等結盟報國，以南兵歸。景隆既敗，原薦子澄，曲為隱護，猶以權不尊，復加太子太師，賜璽書、金幣。上特遣子寧，吏部左侍郎，詔募謀勇士，以楊本為錦衣衛鎮撫，周拱元為所鎮撫，秦贊大將軍。軍務原斷事高魏，自請使燕，稱國朝處士。臣魏上書燕國。

大玉書中陳禮義、曉禍福甚悉。燕王不省，駙馬都尉王寧謀叛，幽於其家。詔全家在伍者，分別遣歸。軍士死後存籍一人者，放為民。陞夏原吉戶部侍郎，復以如常為兵部尚書。起前越舊侯俞通淵為指揮使北征，徙肅王模於蘭州。初封其州者以錢芹為行軍斷事。茅大方為副都御史，葉砥為編脩。禮部左侍郎陳性善言事，且曰：「陛下為法自戾，上為引過，賜絹以旌其直。」壽州訓導劉亨工言：「請文武並用國子祭酒，師表四海，不宜出太僕下。」武臣子弟宜立學教之。上喜，擢武進丞。

建文二年庚辰春正月，勅朝覲官員免賀。燕攻蔚州，守將

王忠李遠叛以城降二月許江浙人得官戶部命均江浙  
賦役以黃觀為禮部侍郎燕高寶司事楊砥出叅議湖廣  
上書親親無自剪枝葉忤旨安置遼東以劉儵為兵部侍  
中韃靼可汗坤帖木兒瓦剌王猛哥帖木兒歸款北平景  
隆遣燕王書請息兵燕不報以解縉為文淵閣待詔保定  
知府雄僉叛降燕三月以禮部尚書陳迪右侍郎黃觀等  
知貢舉策進士賜胡靖等及第出身有差靖初名廣策有  
親藩陸梁等語稱旨上為更名靖永樂中復原名廣武臣犯法失  
職者皆奔燕燕復原官再賜景隆璽書斧鉞以前賜沉增於江故  
置諸藩賓輔各一員



夏四月、燕師闖白溝河、景隆壁德州、協胡觀郭英、吳傑等  
聯營六十餘萬、逆拒、都督先鋒平安、伏兵邀擊、初勝、敗、互  
已、而燕師屢却、會都指揮何清被執、安收兵還、夜戰、燕王  
從三騎、殿後、迷失道、下馬伏地、視河流、辯東西、倉猝渡河  
去、明日、復戰、我師破燕後軍、叛將房寬狼狽走、燕高煦率  
精騎來援、都指揮瞿能崩盪、斬燕百餘騎、諸軍乘之、吽噪  
入、殺傷甚衆、燕王三易馬、三被創、短兵撞擊、幾為能所及、燕  
王佯揮鞭、招隄上人、能疑不進、燕大將徐忠、兩指、斫、未殊、  
自折、擲之、復戰、會旋風折旗、陣亂、瞿能與俞通淵、勝、聚、加  
戰、死、燕兵縱火燔諸營、郭英、吳傑、西潰、景隆南潰、殺溺死

者餘三十萬人。五月，督餉叅政鐵鉉、叅軍高巍自臨邑還濟南。景隆引敗兵來奔，燕兵入德州，轉掠濟陽。儒學教諭王省、苑之進攻濟南，景隆戰敗，都督朱榮棄師遁，伏誅。燕圍城急，鉉、巍及統兵盛庸悉力防禦。燕射書城中脅降濟陽學生高賢寧，作周公輔成王論答之。燕復隄水灌城，鉉詐令軍民乞降，開門入。燕王懸板及燕王馬首，已礮城。城欲碎，鉉令書高皇帝神牌懸堞上。燕師不敢擊。六月，置資德院，改官屬。

秋七月，都督平安師次單家橋，欲遮燕糧道，不果。遣尚寶司丞李得成使講，燕無所報，下得成獄，旋釋之。八月，燕師

困濟寧。歷三月不下。僧道衍語燕王師老矣。解去。平安追  
戰之。韓山斬其將陳亨。亨即劫松亭。叛降燕者也。遂復德  
州。盛庸守之。朝廷頗以燕事易辦。不為意。承天門灾。詔求  
直言。改謹身殿為正心殿。置大學士一員。陞方孝儒為文  
學博士。江北蝗。帝脩省。是歲有年。九月。重建承天門。改曰  
臯門。午門曰端門。端門曰應門。前門曰路門。徵洪武廢棄  
武臣子孫錄用之。

冬十月。更定監生選用法。城滄州。燕兵襲破之。都督徐凱  
被執。清遠衛卒羅義上書言事。下獄。賞濟南功。封盛庸歷  
城侯。充平燕將軍。總兵。代景隆。鐵鉉。陞左布政司。尋陞兵

部尚書召景隆還。侍郎子寧力請誅之。以謝天下。不果。十  
二月、燕師至汶上。庸移營東昌。會戰。大破之。斬其大將張  
玉。燕師敗還北平。始悟僧道衍但費兩日之語。頗驗。庸飛  
檄令吳傑平安追燕師。敗還。詔舉優通文學之士。以處士  
唐禹士為侍讀。鄒瑾為大理寺右丞。

建文三年辛巳春正月。疑命神寶成。先是帝夢上帝賜重  
寶。已得青玉於雪山製璽。其文曰天命明德。表正萬方。精  
一執中。宇宙永昌。大祀天地於南郊。享太廟。告東昌之捷。  
復泰子澄官工部尚書。嚴正直督餉山東。三月。燕師復出。  
次濇沱河。以左補闕胡閏為大理少卿。三月。盛庸自單家

橋戰燕兵於北河斬其大將譚淵及指揮董真保等再戰風沙大起庸敗績走德州都指揮莊得及楚智皂旗張等加戰死之真定諸將平安吳傑等擬共搗北平會庸敗不果率師駐單家橋與燕師會戰頗捷擒其將薛祿祿尋逸去閏三月安復戰藁城縱射燕王義及之會大風捲安軍敗績安等走還真定燕師次大名

夏四月禮制書成頒行天下復譴太子澄官諭燕罷兵五月燕使武勝上書請召還德定諸師帝覽書嘆曰信然王與朕為叔父何必用兵為也召方孝孺諭意行還師孝孺曰陛下即欲罷戰倘燕師犯關何以禦之遂下勝獄令大

理師薛嵩報之。嵩語燕王王旦釋甲而募旋師。王笑曰：孤  
愚不入。燕左右欲殺嵩。嵩戰伏地得護歸。刑部侍郎王良  
問燕國叛人罪。末減出爲浙江肅政按察使。六月，觀海衛  
指揮張壽飲中，偶及國事危急，坐妖言論死。燕師掠濟寧  
及沛，大焚運艘。都督袁宇帥師還擊，收績。

秋七月，燕師掠彰德。都督趙清禦却之。王使人召清。清謝  
曰：殿下有京師，出片紙呼清，清不敢不至。今爲朝廷守封  
疆，豈廢職。王悅。清言緩攻，平安進兵至平村，爲燕將劉江  
所敗。方孝孺、陳燕世子與郡王不睦，請以書亂之。遂遣  
千戶張安遺書世子、郡王，果疑。令內監黃儼報世子、及世

子不啓函、上書王。王出書、愕曰、幾殺吾子。限僧道田人五  
畝、非奉朝命、不許私簪剃。年未五十者、不許爲尼。及女官、  
八月、老嫗入貢、放還不識字人才。及年未壯者。九月、燕師  
攻定州、諸將花英等援房昭水西寨、戰敗我崑山下。英被  
執、昭走定州、陷燕師退。

冬十月、徙慶王於寧夏、倭寇浙東。十一月、韃靼通燕、寇鐵  
嶺、遼東。總兵楊文攻永平不克。指揮王雄等七十一人皆  
被執。平安敗燕師於楊村。皇次子文圭生。燕王曰、皇兄既  
謚懿文而帝諱允、故皇子復以文行。又係建文年號。文復  
吾知其不能武也。命兵部右侍郎徐垢招集兩浙義勇、駙

馬都尉梅殷鎮守淮安。十二月，燕師出北平南下，時燕用兵三年矣，所得地止北平及永平保定三府，有中官叛附燕者，請直搗金陵。燕王從之，詔以徐真馬溥為左右都督，率偏師北進，遷龔泰為禮科給事中，改程本立為江西副使，詔內官出使，侵凌吏民者，有司械送京。更定六科品級，及更定倉庫黜陟之制。

建文四年壬午春正月，始置京衛武學。德州裨將葛進渡河，遇燕兵，戰敗。副總兵平安攻通州，不克。兵敗，衡水命魏國公輝祖出援山東，燕師破東阿及東平，指揮詹璟被執。吏目鄭華死之。詔寧國公主遺書燕，勸退兵，不省。連破汶



上都指揮薛鵬被執攻沛指揮王顯叛以城降知縣顏瓌  
及主簿唐子清典史黃謙死之更定尚書以下勲階三月  
燕兵自徐州進攻宿州破蕭縣知縣鄭恕死之平安戰燕  
兵於淝河斬其將王真決日力戰安敗走鐵鉉援兵至復  
勝再敗宿州不守

夏四月平安戰燕兵於小河敗之斬燕將陳文燕兵却安  
操長槩遂燕王及之忽馬蹶不得前番將王麒疾援王去  
先是燕王夢戰敗一豐貌美髯乘白馬西來大呼救駕魏  
問其姓名曰莘城隍神也至是麒貌與所乘馬頗同李  
國公輝祖協都督何福戰燕齊眉山一再捷斬其千戶李  
斌等十餘人斌號敢裏斌死燕軍懼請退屯小河之東就

變觀變。朱能鄭亨力言渡河非計。燕王下令曰：欲渡河者左。諸將皆趨左。當是時，王不解甲數日矣。會京師相傳燕兵敗去，乃召輝祖內護。何福孤無援，而燕師進，時平安營靈壁就餉。燕遣萬人遮餉道。安以六萬人護餉，與戰，喪燕師千人。燕王麾步軍橫貫安陣，陣分為二。何福出壁援安，復殺燕數千，走之。而燕高煦伏起，燕兵還戰，福敗，被圍。下令旦日圍三。虢突圍出，就食淮河。而燕師先三虢攻營急。福軍誤謂已虢，競趨營門，不得出。驚福不及更虢，軍亂，營破，兵潰，墮塹死。滿安與監軍及諸將咸被執。福單騎脫，指棹未瑄戰死。燕王縱禮部侍郎陳性善、大理卿彭與民、欽

天監副劉伯完、指揮王資等南還。性善朝服，躍河死。自是南兵益衰。識者有金陵之憂矣。土蕃寇陷保寧府。五月，總兵楊文奉詔以遼兵十萬南協鐵鉉、濟南，贅燕師後。遇燕將宋貴直沽一戰，全師潰。燕師下泗州、壽州。守將徐景初、劉浚叛降。大將軍盛庸戰淮南，敗績。盱眙陷。守淮主事樊士信死之。諸將分屯鳳陽、淮安。淮安知府徐安方勤備禦，而燕師已踰鳳陽。歷天長，攻揚州。守將崇剛、御史王彬死之。江都知縣張奉初欲死城，母曰：「天命也。」遂與千戶徐政指揮王禮叛，以城降。詔下勤王，中外臣民聞詔，無不悲號者。分遣禮部侍郎黃觀、國子祭酒張顛宗、翰林脩撰王叔

英徵兵各郡復亡齊泰黃子澄原官蘓州知府姚善寧波  
知府王璉率師勤王慶成公主詣燕師請割地王曰行將  
與諸弟妹相見毋多言脩撰王良仰藥死刑部尚書侯太  
轉餉淮安勤王師徽州知府陳彥回樂平知縣張彥方等  
咸不及死之原任永清典史周縉亦起勤王衆潰去六月  
燕師至浦口大將軍庸逆擊敗之燕王嚴庸軍且議和高  
煦以胡騎至王按劔起撫煦背曰勉之煦殊死戰會都督  
僉事陳瑄率舟師援庸瑄叛降燕而兵部侍郎陳植督師  
江上所部都督金甲欲叛植以大義責之遂為所殺率衆  
降燕燕王遂麾兵渡江庸率海艘出高資港嚴陣以待王

奮先登大戰。庸敗走鎮江。守將童俊叛降燕。齊泰黃子澄奉密旨出奔。燕師至龍潭。帝遣李景隆、茹常、王佐等詣燕。請平景隆。伏地稱臣。述天命。推戴極恭。已復令諸王往講。燕王曰：「不得奸臣不已。」帝乃會群臣慟哭。或請駕幸南浙。圖後舉。或請暫避湖湘。議不決。孝孺獨奏堅守京城。以待四方之援。分遣諸王守門。魏國公輝祖、開國公昇分門出禦。衆潰。仍齎蠟書四出。卒為燕騎所遮。露乙丑。燕王抵金川門。上書皇太后定國公主。不荅。李景隆及谷玉櫛開門迎入。門卒龔詡慟哭去之。御史連楹佯伏伺門。猝空拳冒燕王及馬首。衛卒碎去。就戮。首落有白氣冲天。屍僵立移。

時連同官董鏞坐死。燕王與谷王周王並轡入帝手。誅都督徐增壽於左順門。先是金川未啓，增壽潛欲迎燕，監察御史魏冕十八人即殿前殿之，幾死。會輟朝，冕及大理寺丞鄒瑾當陞大呼請速加誅。臣等不能與此賊俱生矣。不聽。至是帝大恨，手劍誅之，并欲誅景隆。不及大內火，帝與皇后馬氏暴崩。為六月之十有三日也。或云帝薨髮出，出燕王清宮三日，宮人指所焚死以應。遽出屍煨燼中，王府而尖之曰穉，無知至此乎。用學士王景彰議，發喪。天子禮葬之。宮人遭戮畧盡，惟得罪帝者獲存。時安王楹、兵部尚書茹常首率羣臣蒲伏王前勸進，迎附知名者為吏部侍郎。

郎蹇義、戶部右侍郎夏原吉、兵部侍郎劉儻、古朴、刑部侍郎劉季荒、大理寺少卿薛嵩、翰林學士董倫、侍講王景彰、修撰胡靖、李貫、編修吳溥、楊榮、楊溥、侍書黃淮、芮善、待詔解縉、給事中金幼孜、胡濙、吏部郎中陳洽、兵部郎中方賓、禮部員外郎宋禮、國子助教王連、鄒緝、吳府審理副楊士奇、桐城知縣胡儼、後皆歷大位、為名臣、而御史葉希賢、郎中梁田玉等四十餘人、越城遁去、不問、北平州縣官朱寧等二百九十一人、初並解印綬去、亦不問、燕王列奸臣榜於朝門、左右凡二十五人、為黃子澄、齊泰、陳迪、練子寧、方孝孺、黃之、鄭賜、黃福、尹昌隆、張統、毛泰、董鏞、盧迥、侯泰、暴昭、陳繼曾、鳳韶、王度、高翔、魏冕、宋徵、巨敬、右凡二十六人、為王

魁戴德、彝、韓永、葛誠、王叔英、周是修、盧振、顏壞、張昂、卓啟、  
鐵鉉、謝昇、龔泰、茅大方、陳孝回、鄭恕、宋忠、姚善、胡子昭、周  
璿、葉惠仲、高巍、廖己而有績、榜、甘霖、鄭公智、王璉、黃希范、  
鏞、徐輝祖、失其一、已而有績、榜、劉環、程通、王良、盧原、質、韓  
末、葉希賢、林嘉猷、蔡運、牛懸、賞格、縛獻者、爵有差、尋、鄭賜  
景先等、仍以方孝孺為首、懸賞格、縛獻者、爵有差、尋、鄭賜  
王鈗、尹昌啓、自愆、得免、并免、張統、景隆、復指黃福為奸、福  
大言曰、臣誠萬死、但日以為奸、則非、並得免、初、方孝孺既逮  
至、王勒草禪詔、孝孺衰杖、夾關下、大書數字、正王罪、且泣  
且罵、詔况不可得、改命御史高翔、及右補闕胡閔、西人咸  
喪服、入號、震殿廷、詔不避甚、與孝孺並、族誅、究竟禪草、相  
傳、王遠善、受命而作、或云實、學士王景彰、筆、又云繼命、御  
史樓璉、勉承草訖、歸見其妻、曰、得無愧、潛溪先生地



下。午。蓋。璉。為。采。瀟。門。下。士。輒。內。愧。自。經。百。戶。楊。華。者。執。太。常。卿。黃。子。澄。以。獻。子。澄。稱。殿。下。如。故。且。曰。殿。下。自。念。子。孫。効。尤。即。何。以。為。訓。蓋。微。指。高。爽。刺。燕。私。王。為。憬。然。副。都。御。史。棘。子。寧。語。極。悖。王。令。斷。其。舌。曲。引。同。公。故。事。以。塞。子。寧。撰。舌。血。書。地。成。王。安。在。會。孫。恭。逮。至。四。人。並。族。誅。獨。方。黃。二。氏。車。族。十。數。殺。及。萬。人。最。慘。王。以。工。部。侍。郎。卓。敬。常。請。內。徙。燕。封。欲。貸。其。死。敬。請。死。大。言。曰。果。如。敬。策。大。王。安。得。至。此。遂。并。坐。下。魏。國。公。徐。輝。祖。於。獄。呂。駙。馬。都。尉。梅。殷。至。自。淮。安。不。屈。密。令。人。擣。水。死。連。禮。部。侍。中。黃。觀。觀。技。羅。刺。磯。水。死。凡。大。臣。兵。部。尚。書。鐵。鉉。禮。部。尚。書。陳。迪。刑。部。尚。書。

暴昭戶部侍郎郭任威族誅而不列奸榜翰林修撰王良  
太常少卿廖升咸自殺獨御史景清委蛇隨班迎謁王疑  
之已密及行殿且叔駕事露碑死張其皮於市猶乘風為  
厲谷府長史劉環召至稱殿下不受官獄死其餘內外職  
官以至山林祗隸多殉義死者並有傳燕王浚國後或云  
使給事中胡濙名訪張儼偏實跡帝又遣太監鄭和跡海  
外諸國無有言帝至其國者乃已隨削帝號以年葬并入  
洪武稱三十五年弘光初追尊惠宗讓皇帝入太廟復其  
年蓋遜國時皇太子文奎年七歲矣弟文圭方二歲咸廢  
庶人幽中都廣安宮帝弟吳王允熲衡王允燧徐王允熿

咸降封尋廢熈為庶人、入高墻、而改封熈主懿、文皇太子祀天順中、英廟感南內事、赦庶人及吳王衡、王等出、廣安給第宅、薪米、聽婚娶、出入與侍從、建庶人卒無子。

論曰、帝以仁柔、海內欲不忘之、遂有遜荒之說、說歷久、益增至史、彬致身錄、諸鑿、冥所疑、如或親見之者、觀吳文定、仲彬墓誌、全不及此一偽、皆偽也、且太宗亦正欲以不死慰天下之心、當時寔錄具載出亡二字、安帝隱也、正統五年、遂有僧自雲南至、廣西稱建文天子、事淺、逮京師、會審、供云、俗姓名楊行祥、然則所為楊應能者、行祥所借也、行祥以洪武十七年、度為僧、薄對確、覈

獄本末燎然。又三楊皆故臣。此時尚在朝。  
寧侯吳亮既身。總胡作詩。自露英廟釋建庶人。有云憫。  
茲遺孤。特加寬宥。讓皇而在。自宜倍加優典。胡絕不一。  
聞之。總之行。祥敢於冒引。寔本前疑。而寔錄不載。行祥。  
事曰。以成前為寔錄者之心也。又據天子禮葬。初必有。  
其處。易代以出。已二字荒忽之。豈帝出。已皇后埋骨。坏。  
土亦遂不可問乎。存者其名。沒者其寔。必爾也。考出。  
已踪跡。見諸稗乘者。二十五六而止。而情事各異。安得以。  
各異者。畫為一定欵。至于胡濙鄭和之傳。益見附會。宋。匿。止。王。何。尚。  
審訪。以靖難聲靈。心天下誰曰不可。即何顧忘而出。此且也。子。

寧。血。書。成。王。安。在。何。不。去。彼。自。遷。荒。或。云。葬。西。山。不。封。  
不。樹。何。不。考。帝。禮。葬。原。處。与。皇。后。合。兆。為。恪。遵。太。宗。初。  
制。之。浴。于。孔。



罪惟錄帝紀卷之三

太宗文皇帝

太宗體天弘道高明廣運聖武神功純仁至孝文皇帝嘉靖中進廟號成祖改體字為啟字改廣字為肇字名棟

太祖第四子母孝慈皇后或曰碩妃生子之生時五色

光氣臨宮闕經夕不散性聰明英特讀書過目不忘貌奇

偉美髭髯洪武三年封燕都北平妃徐氏中山王達長女

十三年之國得督兵備鹵諸公侯悉聽節制料敵制勝洞

燭萬里威振朔漠二十一年副將軍藍玉降元納哈出歸

獻良馬王曰不先朝廷而私燕不受玉乃間入說太子曰



臣聞術者言燕地有天子氣。殿下宜審處之。太子言於帝。頗  
忌王。每入朝。數以語見。侵王稱病。亟請歸。藩王常與晉王  
分道出禦。鹵晉王懦不進。王抵迤都山。擄其太尉丞相等。  
全師以歸。晉王馳報太子。謂燕違異。勞師冒險。幸伺間語。  
太祖會捷。至太祖錄燕功。太子曰。晉王雖未深入。然張聲  
勢。有犄角之助。二十五年再出塞。四月。皇太子薨。秦晉二  
王皆有次及之望。而太祖以燕王神武類己。頗欲立之。學  
士劉三吾為正諫且止。二十七年。出勅捕野人女直。平之。  
初有詔。諸王各與高僧一諷經。王得道衍。衍精術數。私語  
王大計。王心動。相人袁珙入燕。王與衛士九人。似無意出。



疑。珙一見伏地。稱太平天子。王捫其舌。故逐之。而密令  
入宮。恪略議。私與道衍等。購致吳人。拔勇健。及太祖崩。王  
年三十。有八矣。時秦晉二王已薨。而王以叔父行。最長。建  
文元年。入朝。行皇道。登陸不拜。御史曾鳳韶廷劾之。不問。  
時廷臣素憚王威名。又以燕地勢形偏。兵最强。易為變。乃  
簡強幹吏。有威望者。出彈壓之。且密命北平都指揮何燕  
間。自是四王見廢。湘王自焚。廷議將以恠燕。而燕益迫。自  
為閹王。遂托病以緩謀。盛暑。圍爐。往往作狂。出市。擢民。飲  
食。語。蹇亂。不經。或卧。土壤。僵暈。彌日。宮中。掖而行。而朝廷  
指名。逮其官屬。急於。是燕。兵起。上書於朝。曰。奸臣。齊泰。黃

子澄等。包藏禍心。恣說膏毒。剪弱枝葉。不一年間。櫛擗  
桂梗五弟。並見削奪。雖或愆過。未聞不執。重或裁劑。護  
輕則賜。勅戒。勸乃竟沉。錮流離。行路悽惻。柏尤可憫。蓋室  
自焚。而益罔誣。加禍無辜。執臣奏事。人備極。蠶毒。分布要  
害。圍守臣府。臣大小凜凜。如臨湯火。伏覩祖訓有云。如朝  
無正人。內有奸惡。則親王訓兵。特命唯陛下思之。因論諸  
將曰。予太祖高皇帝之子。義不與奸邪並立。罪人既得。則  
法周公。以輔成王。無他。於是通州先降。下薊州。狗遵化。遼  
雲等縣。及居庸。永平。克懷。來時山後諸州。開平。龍門。上谷  
等。皆不守。南屠雄。敗大將軍耿炳文師於白溝河。入朔州。

復大勝、滹沱河、攻真定、走之。時朝廷再將李景隆代炳文、景隆遺書王、王荅書、弭兵、必自去權。奸始王故北援永平、以誤景隆、遂入、阻北平、堅王以永平勝師、捲大寧不備、扶寧王歸、并降松亭之衆、始立五軍、張玉將中軍、朱能左軍、李彬右軍、徐忠房寬為前後軍、還擊景隆、景隆大敗、走保德州。上言奸臣枉臣不執者八、謂臣護衛踰額、祖訓執掌條有王府官軍不拘數目等語、謂臣不當無事操練軍馬、祖訓兵衛條有教練軍馬過數不拘等語、謂臣不當於各衛選官軍、祖訓軍職條有王府武官千百戶從王於所部軍職選用開奏等語、謂臣私養鞋靴健卒。此皆

洪武中歸降、皇考命於護衛、歲給水糧備鹵、謂臣招致各  
處異人術士、養於宮中、此無主名、謂臣不當僭擬皇城守  
禦之制、祖訓兵衛條、有王府守禦宿衛護衛均番等語、謂  
臣宮室僭侈、祖訓營繕條、有燕因故元之舊等語、謂臣第  
二子高煦過涿州、擅管驛官、此臣之失教、然非不執之跡、  
明甚、復傳檄四方、著不得已用兵、且彰其克捷勝勢、以悞  
朝廷、遂北攻大同、敵景隆援師南降、保定、建文二年、攻真  
定、大戰白溝河、斬首擄三十餘萬、取德州、攻圍濟寧、解去、  
棄德州、別攻滄州、循河而南、戰東昌不利、王易服、突重圍、  
還北平、三年三月、僧道衍勸王出師、時盛庸壁德州、吳傑

平安守真定。王曰：此行利野戰，毋攻城。諸將曰：我師出保  
定，彼腹背交及，即奈何？王曰：兵交，成敗呼吸耳，百步不相  
救，況距二百里，遠乎？突夾河小却，尋乘風大勝，肅退保德。  
州王乃曰：安等嬰城固守，上策也。軍出即歸自保，中策也。  
求戰下策矣。乃飛語散軍，四出聚糧，令較尉偽作避難民，  
抱嬰兒入城言之。傑等誤，乘王虛，王趨應，都指揮陸榮謂  
此日兵家所忌。王曰：顧小忌者，墮大謀。戰，傑安藁城，復乘  
風大潰之。敗軍降燕者，悉遣南還。朝廷大懼，僞竄，秦子澄  
於外，令有司簿錄其家，貽書請罷燕師，次大名，復上書引  
小杖則受大杖則走之義，且云：竄逃奸黨，非出誠心，境上

之兵逼迫未已、是奸臣之身雖出、而奸臣之計得行、師不  
退、尋再上書、責朝廷失信、朝廷拘燕使、武勝獄、王大怒、按  
劍起曰、吾單師徐沛、絕德州糧道、南師必靡、於是濟寧貯  
粟盡焚、沛漕運絕、四年、北師直向金陵、連破東阿、東平、攻  
汶上、還擊平安、敗之、破蕭、齊、魯諸戎堡、皆降、大戰小河、不  
利、戰高眉山、又不利、師欲退、王固不許、疾遮靈壁、餉道破  
壁、大勝、前阻泗河、佯欲渡、別遣驍騎濟上流、掩盛庸師後、  
庸軍散走、渡淮、克盱眙、間走揚州、降之、下儀真、已而舟師  
集方嶽、而鎮江守將章俊以城降、戰浦口、小却、敗庸軍高  
資、港、金川門開、翰林編脩楊榮遮馬首、伏謁曰、謁陵乎、且

入廟。王曰：非師言，幾誤。遂先謁陵。於建文四年壬午六月  
十有七日己巳，燕王即位，徵語尚書茹常。朕母得罪於天  
地，祖宗常叩頭大言曰：陛下應天順人，克成先志，何罪  
上。悅。復周王橐齊王棹封爵，革除建文年號，以今年為洪  
武三十五年。其明年改元永樂。先後毒誅遜國諸臣，盡士  
申禮葬。讓皇帝遷興寧孝康皇帝主於故園，革去廟號，仍  
稱懿文皇太子。行祭告禮，遷呂太后於皇太子墳園。其皇  
太子文奎、太子弟文圭稱建庶人，降封讓皇帝諸弟吳王  
允熲為廣澤王，衡王允燈為懷恩王，尋廢為庶人。與建庶  
人並錮。馮陽、徐王允熾幼，降數惠王。隨母呂太后居墳園。

追封都督徐增壽為湯武侯謚忠烈後加封定國公陸功  
臣丘福未能以下官祿改作奉先殿於奉天殿之西北增  
製皇帝親之寶及誥命之寶

秋七月朔祀南郊以高皇帝配大赦惟奸籍不宥台前北  
平按察使陳瑛為左副都御史以待詔解縉為中書舍人  
縉奉命檢建文中諸封事有干犯者悉焚之上顧脩撰李  
貫若寧有之貫伏謝無有上曰國家危急時何賴此無  
貫朕所恨導先皇帝壞祖法亂政耳食其祿棄乃職乎貫  
慚而退後坐累獄十年死享太廟及太社太稷命各司悉  
復洪武舊制且曰各散官沿習久有何緩急乃又竄改復



變色曰。凡國家有事。必策度數。世始行。俾得子孫世守。後世輕佻之徒。以私智舞文。改易祖法。嗣王不明。以為能。故寵任之。卒至國敝民叛。可不深戒。乃解尚書張純。王鈍職。務給半俸。統懼自經。死。改湘王謚獻。擢揚士奇為編脩。楚王桓及諸藩王。以次來朝。八月。勅盛庸鎮江東。劉賢鎮廣東。何福鎮陝西。以即位諭朝鮮。及外彝君長。僧智光奉詔西域。解縉、黃淮、胡廣、楊榮、楊士奇、金幼孜、胡儼、並直文淵閣。在東閣門之內。特機務。孔殷。每日退朝後。閣臣就宸前。叅機密。漏下數十刻始退。寧王權請封杭州。不許。改國南昌。赦諸王之見廢者。岷王榘與西平沐晟交惡。諭解之。

以戡鎮雲南、廬陵縣民嘯劫、都督韓觀撫平之、觀鎮廣西、  
 改靖江王府、咨議為長史司、其金篆一如親王、九月、論靖  
 難功、封丘福淇國公、朱能成國公、張武而下、侯二十人、徐  
 祥而下、伯十六人、侯張武、鄭亨、大真、顧成、王聰、陳珪、紀善、  
 郭亮、王海、王志、徐忠、張信、李遠、徐祥、徐  
 理、唐雲、趙彛、陳旭、張輔、徐王子、譚忠、徐淵子、以上並世襲  
 房寬、世襲指揮使、房勝、劉才、世襲指揮使、同知、李景隆、茹常  
 終其身、李濟、孫巖、王佐、陳瑄、亦世襲指揮使、駙  
 馬王寧、永春、侯世襲其餘將佐、陞賞皆有差、追封都指  
 揮張玉榮國公、陳亨涇國公、譚淵崇安侯、王真金鄉侯、徐  
 景昌保壽子、為定國公、以僧道衍為左善世、復其姓、賜  
 名廣孝、為太子少卿、陞北平布政使、郭資為戶部尚書、保  
 定知府、維翰為刑部尚書、仍掌司府事、左都御史陳瑛請

追戮死事黃觀王叔英廖昇等不許北平及通州婦人乘

障守者祭寶貴之出山西清遠衛卒羅義於獄以曾上書請母兵燕

故陸吏戶兵侍郎蹇義夏原吉劉儻各本部尚書仍嚴震

直工部尚書尋卒以黃福代之長史金忠為工部侍郎擢

右通政使李至剛為禮部尚書徙封谷王橐於長沙遼王

植於荊州齊王榑復國青州

冬十月勅重修高皇帝寔錄戎建文末募兵工部侍郎王

顯宗江西左布政使楊璉按察使房安僉事呂升等於典

州定功臣死罪減祿例詔從征將士所掠婦女悉還其家

軍士張真上封事稱旨賜衣鈔改建周王橐府於洛陽十

一月、鹵一再犯開原、遼東、皆破走之。詔求隱逸。以江西處士軒伯昂為山東左叅議。冊妃徐氏為皇后。十二月、嚴武臣冒襲之禁。以嘉定縣民周程請。令戶部尚書夏原吉、濟滌吳淞諸浦港、泄其壅道水患息。

永樂元年癸未春正月乙卯朔、御殿受朝賀。命婦朝坤寧宮。群臣一再表請立東宮。不久、撫北平流民復業者十三萬餘戶。定官俸米鈔、燕支例。禮部尚書李至剛以月當食不食、請質上曰陰雨不見安得自誣。二月、祭歷代帝王。以北平為北京。順天府設行府。部等衙門官屬。其尚書郭資、雖食俱改北京行部。平安為行都督僉事。以保定庠紀善

孟善一曰鎮遼東左都督宋晟鎮甘肅設雲南五長官司及普  
安安撫司詔諭韃靼力赤可汗嚴誣告法補去年壬午  
應天等各省鄉試其北平諸郡以學校殘毀停候永樂三  
年設北平國子監迤北屢化境命郡王高煦往開平操練  
江陰侯吳高鎮大同武安侯郭英卒三月脩殷太師比干  
墓改北京行都司為大寧都司調營州五屯衛於保芝仍  
隸大寧都司以大寧界兀良哈酬其協助之功河南牛疫  
詔所在百姓免補其鬻男女以償者官贖還之鈔法不行  
禁金銀交易代王桂縱暴賜書戒之尋削其三護衛岷王  
梗擅收諸司印激變夷人降王府官職事以守城功封駙

馬都尉表容廣平侯李讓富陽侯世指揮續封功臣李斌

豐城侯世襲陳懋以下伯爵六人懋係亨子王通係真子

襲加皇考太祖尊謚聖神文武四字皇妣仍原謚諭中外

文武群臣曰諸臣除奸宄外皆皇考舊人朕推誠用之纖

悉無間無自懷疑不安

夏四月安南權國事胡吞請襲陳氏封爵下禮部肅察遣

行人楊渤詔諭之右副都御史王信以漏獄伏誅定衛官

府官平禮相見衛官有事不得下有司問理襄城伯李濬

鎮江西五月福建兵一再擊倭破之減雜犯死罪以下各

一等定王府不得干有司事其事得旨而行分遣給事中

楊椿等十二人往海外諸國始遣內官祭中雷

秋七月命翰林官依韻纂輯古書賜名文獻大成賜迤北  
鬼力赤書八月復設浙福廣市舶提舉司平江伯陳瑄督  
海運米五十萬石至北京及遼東尋運米直沽歲為常簡  
富民實京師內官楊瑄等責勅撫諭麓川等處土官九月  
勅廷臣各舉所知高唐州民王政言事擢為給事中削歷  
城侯盛庸爵暴卒諸子皆被戮命侍臣更芝宗廟樂章各  
衛韃官置勘合賜姓氏釋文移錯誤之罪西平侯沐晟請  
討土官刁暹荅上諭兵部兵一動則難安宜先之以誨諭  
尋刁暹荅果悔悟還所據知州及威遠之地入貢謝

冬十月、焚匿名書與北京屯田、西洋諸國來朝籍長興侯耿炳文家炳文自殺諸子皆死十一月、賜寧王書令捕府中小人不法赦免建文時山後逃匿官民選郡縣考滿官六科辦事俾直言民隱韓觀勦柳州山寇平之書諭世子興督農功閏十一月封黎蒼為安南國王李芳遠朝鮮國王主事年倫奏兩廣徭徭須兼用土兵合勦從之山東民獻陣圖黜之十二月、脩太昊陵寢訪求太祖移文勅責遼東總兵紀善令撫恤將士綏來外曩歲旌節孝不以額許諸人得奏利國利民之事。

永樂二年甲申春正月、下陪祀失儀都督陳浚獄戶部侍



郎李文郁後至謫戍之道士獻方書不進雲南叅政張定  
坐變亂舊策謫驛夫台世子及郡王高煦入京二月永新  
賊平徐蘓抗絕戶田糧琉球告哀遣使祭贖冊封三月策  
進士賜及第出身有差選二甲楊相等五十人及工書法  
湯流等十人為庶吉士三甲方昶等二十人為行人仍立  
進士題名碑於國子監許武臣薦士遼東都指揮何琪失  
修邊備坐斬開遼東馬市改封讓皇幼弟允熾為甌寧王  
奉懿文皇太子世祀先是日本屢寇至是遣人脩貢擒獻  
犯邊賊二十餘人詔厚答之

夏四月甲戌冊世子熾為皇太子妃張氏為皇太子妃郡

王高煦為漢王高燧為趙王初上議建儲廷臣多言高煦  
扈從功惟文臣金忠解縉黃淮尹昌隆咸以為不可上意  
乃決東宮官屬以文武大臣兼之翰林科道部屬以下並  
得改預會文華寶鑑成授皇太子曰帝王之道在乎知要  
汝其勉之免順天永平保定三府効順民糧二十五萬石  
五月將詣孝陵以皇考忌不用法駕六月鴻臚少卿汪泰  
使朝鮮坐受饋誅汰添設官許進士歸學朝鮮進耕牛萬  
頭給遼東屯戍再錄下第貢士張鉉等六十人冠帶入太  
學讀書封哈密安克帖木兒為忠順王

秋七月命翰林官分撰諸經講義送內閣閱定進呈始赴

東官進講。迨北可汗鬼力赤與瓦剌相攻。進士張文禮自陳雲南籍。不嫻吏事。即命為本省學官。李景隆及弟增枝一。再被劾。以奉爵歸第。沒入庄田佃僕。山東野蚕成繭。禮部請表賀。不許。鄱陽儒士朱友季獻所著書。專駁濼洛關閩之說。上曰。此儒賊也。焚其書。罪之。八月。占城國告安南。擅侵其境。勅諭之。安南舊臣裴伯耆告難。云黎季犛篡殺其主。故王遺孫陳天平。因老過護入朝。上憐之。命御史李琦行人王樞往諭安南。令具實以聞。招荔波縣洞徃編籍。行戶口食鹽之法。解縉等進大學正心章講義。上曰。人主於車馬宮室。服食玩好。無所增加。則天下無事矣。九月。周

王構來朝。獻駒虞群。臣表賀。於是四方奏甘露嘉禾。及外國諸奇獸甚夥。獲神龜於募府山。以胡儼為祭酒。學士王達侍皇太子進講。禹規太子悅。徙山西民萬戶實北京。勅諭寧夏。却督何福使於諸屯。中擇水草便每築一城。有警驅牛羊聚畜於中。清其野以待援兵。則寇不能飽去。於屯法最便。暹羅通好琉球。失風入閩。詔善護遣之。廣東糧運中道沒。督糧官權以官糧濟軍。被劾。上曰。活運軍以便運。待報無為矣。不問。

冬十月。蒲城等三縣黃河清。御史言。甘肅總兵宋晟專制。上曰。大將軍受邊寄。豈能盡拘文法。諭晟勿疑。製符信金。

牌給雲南諸彝停御馬監白象穀食十一月御門錄囚於  
宥有差且曰囚久於獄則無往而不求辯初至朕前則畏  
威而不敢言理官當更留意江浦知縣周益有罪妻梅氏  
以益母老請代死并釋之介休縣民請開採五色石應用  
黜之十二月黃巖縣賊童養民等伏誅陞宋禮為工部尚  
書分女直地建都司衛所復以郡縣歲貢寔國學

永樂三年乙酉春正月選一甲曾榮等三人及庶吉士等  
二十五人以應二十八宿入文淵閣讀書時庶吉士周忱  
自陳年少亦願就學詔增忱學士解縉領其事帝或親至  
閣中或召便殿驗其所學時以為榮二月北京刑部尚書

誰僉以怨誅焚貨都給事中馬楨以欺罔指揮李宏以鹵  
欄入未平咸伏誅三月安克帖木兒死遣人致祭以其從  
子脫心襲封斬儻倭失機指揮龐義喬英

夏四月工部尚書黃福改北京刑部除各處絕產田租徵  
儒士馬巨江以年老授博士遣歸五月諭諸王謹守憲度  
六月朝鮮請樂器與之文官三犯杖者如律正罪安南偽  
請罪求陳天平以兵納之寧夏總兵何福以屯田積穀最  
多勅獎之

秋七月授藝黎峒首王賢佐官詔諭生黎陝西獻瑞麥勿  
賀賜韃靼首長把都帖木兒姓名官爵居涼州叅官軍三

之一塞外偵邏、獎米晟招徠之功、海外諸國朝貢、皆至命  
市舶司、設館禮之。八月、下禮部尚書李至剛於獄、戶部尚  
書郁新卒。九月、以呂震為刑部尚書。

冬十月、封日本及滿刺加鎮國之山、親為文勒石、封許成  
永新伯、進信安伯張輔為新城侯、封右都督宋晟為西寧  
侯、子琬尚安成公主、瑛尚咸寧公主。十一月、周齊二王以  
戒諭、悔過謝罪、開雲南銀冶、兵部尚書茹常以不送趙王  
罪、逮獄、削為民、庶吉士章朴家藏方孝孺文集、序班楊善  
借觀、密以聞、伏朴法。

永樂四年丙戌春正月、命李彬、張輔、捕平南陽叛民、琉球

進關人却之。忠順王脫七為其祖母所逐，旋遣人謝恩。守國如初。二月，趙王高燧居守北京，擢荔波縣賈敬信為本縣知縣，專撫徭民。復設開平衛，諸戍充之。三月，釋奠先師。服皮弁，行四拜禮。殿試後，改進士江殷等十三人為庶吉士，翰林院脩書，其餘賜勅還鄉讀書。復置曲江先衛。安南伏兵劫殺陳天平，大理御薛嵩死之。

夏四月，陞沅州為府，乃平知府事。永寧州為府，各吉八合。能知府事。如常歸途失朝，谷玉復下獄。御史車舒以急職戍邊。五月，定雲南各宣慰司三年一貢。大古刺土首悔罪來貢。六月己未朔，日食。陰雲不見，群臣請表賀，不許。詔各



安撫司首領官皆定為吏目。請北京尚書黃福侍郎張思恭為辦事官，尋復職。以瑞變，獻宗廟。

秋七月，征安南。以成國公朱能佩征彝將軍印，新城侯張輔充右副將軍，西平侯沐晟佩征彝副將軍印，充左副將軍，共二十五將軍分道入。上嘗論易，謂內君子外小人六字，人主用之，功效不淺。以太白晝見，命欽天監纂陰陽星命等書。閏七月，建北京宮殿大脩城垣。八月，賑濟寧等郡縣。蝗，齊王禔去悖縱恣，廢為庶人。九月，設陝西甘肅北京遼東四苑馬寺，從三品。西番諸國朝貢，召侍郎李友直成，所復其官。廣濟縣妖僧伏誅，免廣西歲辦白鉛，斬誣告人。

誹謗者、并申匿名文書之禁、戶部人才高文雅、言時政、首  
舉建文中事、語率直、却御史陳瑛指狂妄、置法、上曰、草  
野不知忌諱、顧言有可擇、豈以其直而廢之。

冬十月、征彞將軍能率於龍州、詔以張輔代總其兵、先是  
上察天象、惻然曰、西南有憂、朱、征彞、其不免乎、計聞、上震  
悼、輟朝五日、親為文祭之、追封給謚、回、結思牙進玉梳  
却之、十一月己巳、甘露降孝陵、松柏醴泉出、神樂觀井中  
取獻、宗廟分賜、群臣受賀、平江伯陳瑄督海運還、值倭寇  
沙門象山、率衆焚其舟、盡、倭無還者、十二月、安福縣叛人  
朱務良等伏誅、大將軍輔教安南二十罪、進兵克多邦城、

西都賊聞之亦焚宮室庫通入海於是三江路寧江姚  
江等州縣次第詣軍門降追黎季犛父子於富良江小初  
逸去除廣西絕戶田二萬餘頃尚師哈主麻至京入見宴  
賚殊禮仍賜儀仗視親王子靈谷寺建大醮資高帝后冥  
福時瑞應慶雲天花甘露甘露舍利祥光玄鳥白鶴素象  
青獅連日畢集檜栢金花梵唄空舉金偈羅漢  
化現雲表莊嚴妙相播蓋旋繞種心不絕群臣表賀并獻歌頌自是上潛  
心釋典作佛曲使宮中歌舞之亦遍徵天下道士修舉金  
錄齋醮車駕幸齋壇七日而畢既寧王府火發王允懋驚  
仆地暴薨時年一十有六賜祭謚哀簡懿文皇太子竟無  
後兀良哈飢以馬易米厚酬之

永樂五年丁亥春正月、改吳中工部尚書官孝子張信尚  
寶司丞、建五臺山佛殿、浮屠處、祖制年非四十以上、不許  
削度、以違制千八百人編運籍。戊極邊、賜都指揮朵兒只  
姓名、曰馬惟良、鉄柱曰柴克恭。二月、漢王高煦以易儲不  
果、恨學士解縉、譖黜廣西叅議中允尹昌隆、亦改禮部主  
事。三月、封哈立麻為萬行具足十分最勝圓覺妙智慧善  
普應佑國衍教如來大寶法王、西天大善自在佛、領天下  
釋教、其徒素羅等皆為大國師、並賜印誥、宴之華蓋殿、守  
衛官有於皇城下誦經者、諭止之、駙馬都尉胡觀坐虎李  
景隆下獄、尚書宋禮奏大木自行、山神所致、詔賜名神木

山遣郎中王羽致祭為建祠之碑。選國子生肆翰林院習字。禮部郎中戚存心坐洩漏機密及召之。戚燭避匿伏誅。改上林署為上林監。以中官相兼任用。設四彝館。

夏四月。平陽王濟燔來朝。燔不備嫡庶長幼之序。却之。皇

長孫膳基出閣就學。諭太子少師姚廣孝及諸講讀學以

經。論天下為大。母備章句。工文詞為也。增置各省僉事官

屯糧。五月。開平衛卒蔣文寔言事。允行之。獲安南黎季犛

父子伏罪。時陳氏無後。郡縣其地。以初告難。裴伯耆為左

叅政。尚書福兼掌布。按兩司事。都督呂毅掌都指揮司事。

張輔合廣西韓觀討柳州叛寇。平之。治北平祀典壇宇及

祭器樂器。上嘗遣內監李進採天花。山西、緹悔而罷之。進仍矯旨為民言。差二御史即訊寘重典。徵交趾人才九千人。得明經甘潤祖等十一人。為諒江等府同知。上親製詩以送之。餘給衣襪。赴京聽用。廣西大旱。秋七月。甘肅總兵西定侯宋晟卒。兵部侍郎墨麟常以非罪收一糧長。刖之。死及病見所刖者。號數日。足亦腐。盡遂死。乙卯。皇后徐氏崩。洪熙初。謚仁孝。慈懿。誠明。莊獻。配天齊聖文皇后。魏國公徐輝祖卒。子欽襲。乞守墓上。怒。謫居鳳陽。八月丙申。設海運都漕運使。都督高士文討廣源餘寇。戰死。程瑒等領兵。繼至。擊平之。九月。太監鄭和還自西洋。

械獻海賊陳祖義伏誅張輔奉命勾交趾工匠七千七百人  
至京諭刑部尚書呂震允發戍者從南北風土所宜增設  
北京苑馬二十四

冬十一月令內閣儒臣考滿勿外任十二月頒高皇故鐵  
檄戒飭武臣戶科都給事中胡濙搜訪張三丰不得還廣  
東布政使徐本入覲載嶺南藤篋遺廷臣單目露事不測  
以揚士奇言已之撤馬兒罕同哈哩遣人送傅安郭驥還  
朝

永樂六年戊子春正月以皇后喪免朝賀朝鮮世子李禔  
來朝遣使諭迤北本雅失里削岷王梗護衛罷其長史等

官遣太監王安使迤西謀鹵肅王摸有罪賜書責之福建  
蘓揚奏栢檜生花為瑞上曰近蘓松諸郡水洩為災而不  
以聞乃及花檜與嚴旨詔內外諸色人等擅自為僧者并  
其父兄發五臺山輸作畢就北京種田

夏四月楚王植遣內使雲南犯法與勅責之始命雲南開  
科五月設遼東自在安樂二州六月吏部左侍郎許思溫  
有罪獄死禮部尚書鄭賜卒以劉觀代之預成勅平播州叛  
蠻

秋七月論平交趾功進張輔英國公沐晟黔國公清遠伯  
王文進侯都督僉事柳升為安遠伯戰死都督僉事高士



又建平伯、皆世襲。崖城侯李彬、雲陽侯陳旭、各增祿五百石。餘文武陞賞有差。諸司事務奉皇太子處分者，稱令旨。沐晟仍鎮雲南，謚朝鮮故王李旦曰康獻。八月，交趾賊簡定作亂，勅討之。皇諸弟以次就國。唐即伊魯安瀾建文大祥祠，淳泥國王麻那惹加那率妃及弟妹男女來朝，宴賜儀仗甚設。尋卒京師，賜葬。謚恭順。子襲爵，遣還，封其山。御製文勒石於西洋諸國。古俚等蘇門答刺、榜葛刺、呂宋、合毛魯母恩、古俚、班卒、井抱里、齊里、于蘭各遣使朝貢。九月，出李至剛于獄，降儀制司郎中。太監鄭和復領兵航海，通西南彝。冬十一月，命諸大臣輔皇長孫，決囚三百餘，釋二十餘人。

十二月、謚日本故王源道義恭獻、緣海捕倭、黔國公晟戰賊、簡定於生厥江、敗績、都督呂毅、尚書劉儻、恭政、劉星等死、事聞、後命英國公輔為大將軍、清遠、侯、友、副之、出討、簡定、詔禮部尚書劉觀、刑部尚書呂震、換任、罷溫、處、二、府、銀鉛坑、治、六、十、處、

永樂七年己丑春正月、元宵節、賜假十日、張燈、弛夜禁、正北京舊宮室名號、二月、冊張氏為貴妃、權氏為賢妃、任氏為順妃、車駕巡北京、皇太子監國、除文武遷拜、四彝朝貢、邊境調發、上請行在餘、皆放、監國、處、分、平江、伯陳瑄、主餉、運、尚書夏原吉、學士胡廣、庶子楊榮、金幼孜、扈行、黃淮、楊

士奇輔太子居守仍命涼州都督吳允誠并蒲都督何福  
寧夏總兵寧陽伯陳懋出塞哨鹵起致仕劉彥才等九十  
二人分署各府州縣設在京二十五門及水門城門卽各  
一員忠誠伯茹常率於獄駕歷鳳陽祭皇陵親員士加封  
諸大臣畢從御史何晟陪祀行御道狎坐死遣官祭祖陵  
諸王墳并祭靈壁東昌夾河藁城白溝真定灞上諸陣亡  
將士贊善王汝玉坐修禮書失體當戍監國赦之降典籍尋  
復官監國策貢士得陳燧等九十五人送太學讀書候駕  
回廷試駕次濟寧魯王肇輝來朝次東平問平安尚無恙  
平時安為行都督僉事懼自經三月駕至北京大賚

夏四月、賜書皇太子優容群臣。勿任好惡。潁州饑。西淮巡視虞謙等請賑。監國曰：彼待哺噉。啟請已後。汲黯何人。何不便宜行之。海賊阮瑤寇欽州。擊敗之。以趙王高燾侈靡。歲止給米三百石。鈔千錠。以指揮廉旺為奴。晃干都指揮同知。置邊城調軍。勛合閏四月。設北京寶鈔提舉司。時簡用大臣。率多親擢。禮部尚書趙取傳奉聖旨。行在兵部侍郎方賓著。陛本部尚書。即日到任。諸臣從遊萬壽山。撥營山陵。定昌平縣之黃土。封天壽山。都督柳升敗倭于青州海中。會淇國公立福為征鹵大將軍。率武成侯王聰同安侯火真靖安侯王忠安平侯李遠十萬騎出塞擊鹵本

推失里上、恣授方畧、以行五月、呼北京諸父老、騰溫諭、安  
邑縣官、不惜民饑、擢教諭白威、代之、封瓦剌酋馬哈木為  
順寧王、太平為賢義王、把禿白羅為安樂王、御史袁剛、軍  
珩坐陷死、主事李貞等、監國下之獄、二人率伏誅、六月、郭  
驥為鹵所殺、御史方恆、匿父喪、執送、行在、簡御史二十八  
人赴北京聽用、出自吏員者四人、改為序班

秋七月、監國擢副榜第一孔鷄為中允、妖賊金剛奴伏誅、  
八月、交趾守將徐政戰死、設北平五城兵馬指揮使、大將  
軍福及李遠、王驄、火真、王忠等、敗浚于臚胸、河、以福建方  
略、追削其官、徙家屬于鎮南、遠與驄許其子襲職、上遂決

策親征安南師擊賊黨鄧景異大敗之追賊至清化再敗  
之尋獲賊首簡定檻京師伏誅而陳季擴及章異遁乂安  
未獲九月井肅絕兵何福受降韃靼脫：不花玉把禿玉  
賽因帖木兒國公等并所部三萬餘人封福寧海侯  
冬十月上大選各衛及王府兵七萬四千隨征典尚書夏  
原吉議餉每出塞行十日築一城貯之監國典贊善王汝  
玉論詩楊士奇曰殿下欲娛意文字則西漢詔令可觀詩  
無並人不足尚也十一月皇太子攝南郊十二月寧陽伯  
陳懋敗酋進為侯西域火州哈烈兩國入貢三東廠刺事  
內官一人主之舉通書吏時松江沈夢董與試吏部題撫

四彙榜文卷獨後例見點尚書讀其首句引詩普天之下  
四語通曰是安可點也以優等授新城知縣

永樂八年庚寅春正月大將軍輔敗賊餘黨阮師旋於東  
潮州有旨召輔還丁未車駕發北京皇長孫留守以親征  
詔告天下師次清水源地近塩海人馬渴甚忽營西北二  
里許井泉出賜名神應泉上登凌霄奉絕頂望漠北領胡  
廣曰此危從諸臣不聞我一策奈何廣曰以成算在上無  
須上曰古賴蒞荒何況君臣朕未嘗專任一己梅群策卿  
以此意諭諸扈從廣伏謝

夏四月次奇石坡銘立馬奉之石次長清塞夜南望北斗

次瀾灣海。水周千餘里。五月。至幹難河。元太祖始興之地也。本雅火里率衆拒戰。麾前鋒敗之。教棄鎧重。牲畜遁去。六月。班師。至靜崗鎮。阿魯台復來攻。我精騎貫酋陣。酋大敗。以其家屬心遁去。時暑甚。軍中饑渴。遂收兵。還次擒胡山。銘其石。又勒清流泉之銘。時三軍之食。分御膳。給心許。軍中。以有餘。分貸。至京。倍償。中官進膳。日晏。不舉。曰。軍士未食。朕不敢先飽。次開平。宴勞諸軍。曰。朕塞外。常素食。非之內也。念士卒艱難。食不甘。故寧已之。

秋七月。車駕至北京。周王構作殿。祀高皇帝。賜書諭。以支子不祭之禮。八月。寧海侯何福。坐從征違節制。被劾。懼。自



經長沙妖人作亂監國命豐城侯李彬討之

冬十月上還京師以江西按察副使顧佐有威望擢應天府尹

永樂九年辛卯春正月復命英國公輔總兵會熙國公晟

勦交趾叛寇赦交趾軍民罪犯停征稅課三年勅戒秦王

以王奉詔不親迎見使倨因械其長史紀善典儀等官入

京治罪而諭王以學督軍提吉兕女直野人頭目馬吉你

等來朝授督軍河衛令馬吉你為指揮使上諭胡廣朕北

征寔懲宋歲幣損小費以弭重患不得不爾爾等其知之

二月命工部尚書宋禮等發山東丁夫開濬會通河故元

運道及黃河故道三月補殿試左都御史陳瑛素摯彈駁  
溺濫至是坐誣陷職官方命廢事下獄死

夏四月琉球中山王忠紹縱使臣坤宜堪弥等來貢禮之  
六月太監鄭和在西洋錫蘭國王亞烈苦奈兒謀劫和舟  
和出不意間道攻破之擄苦奈兒以歸上曰蠻彘何足責  
更冊其族屬之賢者耶已乃耶為王而縱苦奈兒歸國時  
廣西叅議解縉再改交趾入奏事會上親征謁監國去趙  
王高燧譖縉不敬縉借罪臣王禰便道娛廣東山水上書  
請鑿章江通南北上以語不當時大怒與禰並收獄  
秋七月滿刺加王拜思遂蕪刺率其妻子及陪臣入朝賑

臨城縣讖黃巖氏告其里豪持建文時包彛古所進楚王書稿與衆聚觀內有干犯語上曰此必有他怨而借持之其毀之弗問兵科給事中倪峻奏言兵千戶彛兵擅捕賊上曰此其職也庸坐視愈乎

冬十月詔重脩太祖寔錄以前監脩李景隆如常心術不正非信史故十一月大將軍輔追捕賊爰子江大破之擒陳季擴等送京師伏法十二月阿魯台就款請以女直土蕃諸部屬其約束廷臣請許之獨黃淮以為鹵分則易制不可帝是之鑄永樂通寶鈔

永樂十年壬辰春正月徙山東無田民佃兗州東昌定陶

等處蠲沒三年三月選黠官教民畜馬

秋七月殺浙江按察使周新時錦衣衛指揮紀綱有罷嘗  
使千戶徃濶緝事作威納賄新推治之忤綱奏新專擅逮  
葉市上尋悔之瓦刺順寧王馬哈木以兵滅本雅失里之  
部

冬十月築寶山於嘉定之青浦為海運表識命皇太子濱  
武方山十一月鎮撫陳恭上言侍衛宜屏外裔無近上頗  
不然尚書呂震請罪恭妄言上曰恭心足錄也言路不可  
塞御為大臣持此言不忠震謝老的罕叛議用兵儒臣揚  
榮言不宜罷中國以務無益尋果來降

永樂十一年癸巳春正月以日食免朝賀翰林庶吉士錢  
習禮典練子寧故姻媿為鄉人所持上曰使子寧而在朕  
固當用之況習禮乎即日下令弛齊黃奸黨之禁巡北京  
皇太子監國太孫從也崑崙布政使及思州等府

夏五月之五日帝遊東苑觀擊毬射柳聽文武群臣四奏

朝使及耆老縱觀時皇太孫射柳連發皆中上喜命屬對

帝曰萬方玉帛風雲會皇  
太孫曰一統山河日月明宴盡歡山東曹縣獲駒虞以獻

尚書呂震回請受賀上曰震可為不學無術者矣必不納

冬十一月以野蚕絲食命皇太子奉薦太廟故所封瓦刺

馬哈木太平把禿李羅三酋叛始置貴州布政使及思州思南等府

宋樂十二年甲午春正月、帝御門所服、裏衣垢敝、納袖而復出、侍臣稱聖德節儉、上曰、朕故不乏衣、念皇妣嘗葺故衣宮中、皇考見而喜曰、如此勤儉、正可為子孫法、朕守先訓、不敢忘也、三月、親征瓦剌、皇太孫從行、謂侍臣胡廣等曰、朕長孫聰明英睿、知勇過人、今令侍行、俾知用兵之法、且躬歷行陣、悉將士勞苦、

夏六月、師至撒里哈兒地、馬哈木及太平把禿孛羅等率師逆拒、一戰敗之、追至土刺河、復敗之、殺其酋長十餘人、擒斬無算、酋乘夜北遁、遂班師、八月、駕還北京、九月、帝入漢王高煦譖、以皇太子迎駕遲緩、且書奏失辭、命逮尚書

蹇義、學士黃淮、諭德楊士奇、洗馬楊溥、及司經局正字金  
問等、半道省義、并省士奇、復職、淮等下獄、榜葛刺國獻麒麟。

冬十月、江陰侯吳高有罪、削爵為民、十一月、晉王濟嬉有  
罪、廢為庶人。

永樂十三年乙未春正月、前交趾叅議解縉死於獄、徙其  
家於邊、縉嘗止交趾、勿征且請、勿過暹、漢王生其覬覦、用  
是不稱旨、後卒如縉言、始策貢士於北京、三月、殿試後、再  
試、下第者得二十四人、並賜冠帶、給教諭俸、送國子監進  
學、以待後科、罷海漕、造船從河運。

夏四月、兵部尚書、薦詹事金忠、卒。忠以下起家、為袁珙微時所知、後薦上、主皇太子。有口舌。功。五月、開清江浦河道、嚴告奸之禁。六月、有納銀於水、以餽刑部主事劉寧者、寧妻發之、以聞、詔、褒其廉、賚銀幣。

秋九月、進封武義伯王通為成山侯。

冬十月、吏部員外郎陳誠、偕中使李達、使西域、還、誠等歷凡十餘國、三易寒暑、所至宣布威德、諸國因遣使隨誠詣闕謝、誠仍錄其山川風物俗尚言語、為西域行程記上之。十一月、麻林國進麒麟、勿賀瓦剌馬哈木遣使貢馬、謝罪、操練中外步騎、赴北京閱視。



永樂十四年丙申春三月改趙王高燧國彰德漢王高煦國青州。與不之國。額常侍左右。帝手勅曰。前封雲南。憚遠不行。與爾青州。今又托故。如果誠心。欲左右我。去年在此。何故。又欲南還。言非實意。不可更辭。尚書呂震替行禮部郎中周訥封禪之議。上曰。朕每聞水旱疾疫。未嘗不惕然於心。豈敢自謂太平。其勿許。學士胡廣作却封禪頌。以獻。

夏四月。詔英國公輔還京師。輔鎮交趾。經營前後九十年。秋九月。始令御史巡監。以太僕寺卿楊砥議。額養馬。遂為北方民害。

冬十一月。帝還南京。會議遷都北京。周王橚。楚王楨。來朝。

例祭孝陵、東宮及皇太孫諸皇孫陪行、上手書位次行禮、  
十二月故吳王允燻卒、高墻鳳陽。

未樂十五年丁酉春二月、谷玉德坐謀逆廢為庶人、後自  
焚死。三月漢王有罪、居之山東樂安州、上巡北京、皇太子  
監國。

秋七月、西洋燕祿國東王西王峒王、各率其妻子頭目來  
朝。九月、備孔子廟、親為文碑之。

冬十一月、建北京奉天殿、乾清宮、越六日己未、督工秦寧  
侯陳珪、右都督薛祿、連奏宮殿現五色瑞光、卿雲、送射、禮部  
率羣臣上表稱賀。

永樂十六年戊戌春正月交趾土官巡檢黎利反自稱平  
定王、豐城侯李彬遣都督朱廣討之利敗走初令民運漕  
糧太子少師姚廣孝卒追封榮國公謚恭靖

夏五月太祖寶錄成皇太子監國時有陳千戶擅取民財  
事覺請交趾已念其軍功宥之或為高煦譖太子初上所  
謫罪人皇太子宥之矣上不察逮陳千戶殺之以贊善梁  
潛司訓周冕預聞不諫正并坐死文淵閣大學士胡廣卒  
贈禮部尚書謚文穆六月禮部左侍郎胡濙奉命名巡浙  
江、密伺東宮得失臨發上微曰奏字須大晚至便入覲也  
濙至南京書監國誠敬勤謹七事以聞內一事勅臣朝諱

侍衛旌之。奏失禮。今旨不問。已而厚賞侍衛旌其直。勳臣為內愧。上聞之。疑解。

秋七月、日本首源道義遣使朝貢謝罪、擢禮科都給事中、陳諤為順天府尹、

冬十二月、勅脩武當山宮觀、賜名曰太嶽、太和之山、

永樂十七年己亥、夏、鎮守遼東左都督劉江、大破倭寇於望海埕、封江又名為廣寧伯、世襲、自是海上烽息、數十年、西蕃一僧至、稱流通諸家、不受柱、最中國、無典、衛、帝聞之、不悅、得崇山僧杜德琮者、設對座、片語折之、僧報謝去、上喜、立授左善世、六月、有青蛇、道沙、爭州、產石青處、于是採

晉工役日煩

秋七月、御製佛曲成、與佛經並傳。九月、大報恩寺受經。是夜現諸幻形。學士呂震等復以經曲分頒陝西河南淮安等處。瑞應益多。群臣表賀。是時中外梵刹開建無數。內官尤薦信。幾於成風。

冬十二月、學士楊榮疏十事。率指斥府部法司諸弊。帝秘不發。恐諸司叢怨。政府密諭榮以此意。令御史言之。御史鄧真遂以入奏。諸司懼。咸免冠廷謝。上諭即日悔改。朝綱愈肅。

永樂十八年庚子春正月、晉楊榮金幼孜文淵閣大學士。

兼原官二月山東蒲臺縣妖婦唐賽兒以妖術聚衆叛據  
益都指揮高鳳等一軍盡沒殘吉州莒州即墨壽光諸縣  
上勅安遠侯柳升討之賊偽降突圍去都指揮劉忠死之  
時倭倭都指揮衛青便宜救安丘大捷鰲山衛指揮王真  
亦以兵至升不進且忌功詔下升吏尋釋之陞知縣張旗  
為山東左叅政縣丞馮樞為左叅議衛青陞都指揮使王  
真都<sup>指</sup>揮食事以守安丘功

夏四月廣寧伯劉江卒謚武忠五月文趾叅政侯保馮貴  
禦賊死之

秋七月殺衡州府同知方素易素易有善政部民告年老

止一子。為虎所噬。素易齋宿。牒山神去虎。明日虎死道側。至是民有匿所。沒谷王貲財。坐素易不發并死。八月。山東諸城縣進龍馬。時擢教授蘭從善。林長楙。教諭徐永達。並為翰林編脩。侍皇太孫講讀。北京諸宮殿。或改應天府。為南京。北京免稱行在。

冬十月。皇太子奉命赴北京。過滁。諭群臣曰。歐陽之賢。非止於文。當考其所以事君者。勉之。十一月。過鳳陽。謁祭皇陵畢。呼耆老問太祖龍興時事。勞賜頗厚。過鄒。民茹草實為餽。然下馬入其舍。見老幼負百結。壯矣。殿仆歎曰。民隱不上聞。如此乎。顧中官與之鈔。遂編集耆老問疾苦。輟所

食賜之會。小東布政使石執中伏謁，責之曰：「誰民牧而至是？」執中曰：「已具文請減秋糧。」皇太子曰：「民命旦夕矣。近者限三日，遠者五日，必賑勿後。」人五斗，毋懼擅發。予見上言之。周王構、護、衛、俺三等上變告。呂王示以所告。王舞窮姑赦不問。十二月，詔明年辛丑遷都。使天下咸知。封督建大工右都督薛祿為陽武侯，擢工部郎中蔡信為本部右侍郎。

永樂十九年辛丑春正月甲子朔，帝御北京奉天殿受朝賀。禮部尚書呂震微語皇太子，初殿下所遣中使率妄言，宜勿近。皇太子曰：「既至尊，不為動，即平安得無過矣。」



夏四月庚子、奉天謹身華蓋三殿災。詔告天下求直言。是月望前一日、為萬壽節、以災異免賀。翰林侍讀陳時勉陳十五事、傳止工作。罷四藝朝貢、汰冗官。賑飢荒、清徹黜貪墨。斥遠僧道、優恤軍士。及選舉考覈等事。帝允行者十。時以唐養兒未獲盡逮、北京、山東、諸尼及天下未披剃出家、婦女先後合、萬人。山東左叅政段民、曲為緩解、人情即安。

秋九月、殺主事蕭儀。時言官應詔直陳、多以建都北京非便、儀言更峻、置極典。於是言官並劾部院大臣失匡救。帝令言官與大臣、午門跪質、語紛激。尚書夏原吉獨從容引

罪。臣不能協贊大議。言官無罪。帝色霽。或尤原吉。初議曰。寧失實。使上憐之。所全多。衆始嘆服。西僧大寶法王來朝。或請帝親勞之。原吉曰。西域慕義來。宜示以禮。至尊一失體。下必有走死不顧者矣。帝怫曰。若豈欲效昌黎所為乎。然竟不出勞。及法王入見。帝又令原吉拜之。原吉長揖而已。帝又不能強。遣中官山壽赦黎利為清化知府。尋復反。指揮陳志敗死。

冬十月。阿魯台叛。敕盜遶。十一月。下戶部尚書夏原吉刑部尚書吳中獄。兵部尚書方賓自殺。時上下議親征阿魯台。賓言糧儲乏。興師未易。遂召問原吉。邊儲若何。原吉

言連年師出無功。戎馬資儲十喪八九。災青間作。內外俱疲。况聖躬少安。尚須調護。勿煩六師。上不憚。必使原吉即視開平倉。而兵中入對。與賓同。上益怒。召原吉還。籍其家。與中等皆繫內官監獄。賓懼自殺。時禮部尚書呂震、教乘間諛原吉中懷邪誣罔。上入其諛。欲戮賓死。并殺原吉等。學士楊榮力言。三臣無他。上怒稍解。以李慶為兵部尚書。永樂二十年壬寅春三月。河魯台寇興和。殺守將都指揮王煥。帝決意親征。

夏五月。發隰寧。次西涼亭。亭係故元往來巡遊之地。帝望見頽垣廢址。愴然曰。元氏創此。將貽子孫不拔。乃至此乎。

書曰常厥德。保厥位。能無溪警。因下令軍士。勿斬伐樹木。六月。次開平。振鹵攻萬全。諸將請分兵應之。上曰。此詐也。鹵恐。竟走。其巢分兵。誤我。不足慮。

秋七月。縱兵瀾濼海之側。阿魯台懼。棄去。焚其錙重。收其驢馬。班師。頗以捷伐。未張。歸塗。便移問阿魯台之為叛者。分五道疾攻兀良哈。至屈列兒河。擊斬數百級。連奔及其七處。殲首訊數十人。驅八畜數十萬還。九月。車駕至京師。工部尚書宋禮卒。

冬閏十二月。阿魯台殺其主本雅失里。自稱可汗。

永樂二十一年癸卯春二月。蜀王椿薨。謚曰獻王。循分守。

法。好讀書。禮接士大夫。於諸王中為最賢。朝廷禮之特厚。夏五月、趙王高燧謀叛。上親詣右順門逆黨。孟賢等盡伏誅。皇太子為趙王營解。置不問。陞告變總旗王瑜遼東衛千戶。尋擢錦衣指揮同知。

秋七月、帝復北征。次宣府。傳聞阿魯台且犯邊。上趣師。吾急乘塞待之。可以掩其不備。八月、禮部左侍郎胡濙進太嶽瑞光圖。謂聖壽之徵。禮部尚書呂震率群臣表賀。不受。九月、駕次沙城。鹵中阿失帖木兒古納台等率妻子來降。言阿魯台為瓦剌脫歡所敗。輜畜盡散。部落潰無所屬。今聞天兵至。益遠遁。無後南意。授阿失等正千戶。

冬十月、駕次上莊堡。韃靼王子也先土干率衆來降。上喜。封為忠勇王。賜姓名金忠。十一月、駕還京師。

永樂二十二年春三月、大閱。

夏四月、帝復北征。五月、濟縣蝗蝻生。知縣黃士廉率僚屬耆老齋禱八蜡祠。有鳥數萬、碎食蝗。殆盡。上次長樂鎮。御史王復馳疏。覈水政和賦。周叔光等且為亂。請用兵。楊榮金幼孜曰。此愚氓迫飢寒求活。旦夕兵之速。其亂也。宜寬而撫之。上曰。卿言是。駕至清水源。阿魯台速遁。上諭侍臣。朕夜夢神人告朕。上帝好生。如是者。再豈留意。茲感乎榮幼孜戒上意。請遣中官史三壽往諭。赦其不臣之罪。令歸。

款。六月、次荅蘭納木兒河、称望皆荒塵野草、隻鹵不見、先鋒陳懋、金忠直抵白印山、咸無所遇、以糧餉不繼、乃命班師。

秋七月、還次翠微岡、諭侍臣、朕歸付東官軍國事、得優游暮年、可乎、崇幼孜曰、誠如聖諭、是月己丑、次蒼崖、戍上不豫、次日、至榆木川、上大漸、遺命傳位皇太子、十有八日、辛卯、上崩、年六十有五、司禮太監馬雲、孟驥、與學士楊榮、金幼孜等密議、秘不發、喪、銷錫為梓、權殮而錮之、日進膳如常儀、益嚴軍中號令、八月、榮馳計至京師、皇太子令太孫迎梓宮於開平、太孫倉猝請印、識、苦不及、楊士奇曰、以東

宮故圖書權付之。皇太子顧太孫。不久當屬汝。太孫既行。復語士奇。昔大行臨御。儲位久未定。滋浮議。予於太孫無是矣。皇太孫至鵬鵝堡。奉大行殮梓宮。軍中始發喪。是月之十日。至京師。皇太子親詣獄。釋前戶部尚書夏原吉。刑部尚書具中。為泣下。令即日以原官視事。原吉首言。東南民力困於漕運。請幸南京。以省供億。中請撫流民。罷西洋取寶船。及雲南交趾採辦金銀教事。出前右春坊大學士黃淮。及洗馬楊溥。正字金問等於獄。三人繫錦衣十年矣。於是月之望。丁丑。皇太子即皇帝位。

論曰。周元公員。辰二字。借用之。遂真以春秋典魯哉。顧



明以再造而長不授伊誰力也。設使燕不高飛。臣節克  
終。迺欲以周官大厥人望不俟燕即燕之。漢趙能難之  
矣。是故北平之功不可沒也。或云太祖果畧秦晉而竟  
及之。可以無壬午諸故。然則教高。嗚以叛哉。不教且叛  
況乎其教之。或曰成祖其身教之也。帝文武全才。寬嚴  
並濟。若夫睿莫宏模。長駕遠馭。徙都北平。雄視九有。五  
巡漠北。三犁王庭。尤貽燕之大者矣。力辭瑞獻。而仍薦  
信法王。明於用人。而或堅信內豎。作法簡儉。而尚遠搜  
玩好。容受直諫。而或溺情詭譎。義責祖訓。而或身先平  
貳。幸而天姿清明。旋止於義。而邊拜所及。更擴初造。捐



罪惟錄帝紀卷之四

仁宗昭皇帝

仁宗敬天明道純誠至德弘文欽武章聖達孝昭皇帝名高熾母仁孝徐皇后既即位大赦天下以明年為弘熙元年置公孤官三大正一品三少從一品陞楊榮太常卿金幼孜戶部侍郎仍文淵閣楊士奇禮部左侍郎兼華蓋殿黃淮通政使兼武英殿學士掌內制不預所陞職務以楊溥為翰林學士罷取寶西洋減內供香炭半四十萬斤太常少卿周訥坐諛倭出知府交趾寧王權請朝言江西故非其封國賜書曰倖欲見叔亦切憐憐但祖訓儼在勿

敢違也。叔受封先帝垂二十年。為國南屏。良善安遠。王貴燮  
已東。貴燮坐誣父不軌。削為庶人。赦解縉妻子還鄉。官其  
子禎亮中書舍人。九月。上大行皇考及皇妣尊謚。禮部呂  
震以二十七日。服滿請如太祖太宗遺訓。釋衰從吉。烏紗  
冠素  
服。黑角帝報可。明旦仍素冠麻衣。麻經出視朝。文臣惟學  
士士奇准。武臣惟英國輔。如帝所服。上因嘆曰。張輔知禮  
六卿有所未及。梓宮在殯。朕豈敢便從震言。加蹇義少傅。  
楊士奇少保。兼官如故。加楊榮太子少傅。謹身殿大學士。  
金幼孜太子少保。武英殿大學士。內閣位進三孤。始比士  
奇等數月。間五品遷至一品。隆遇古無比。賜義幼孜榮士

奇圖書。其文絕憇糾謬。諭之曰。元朝政缺失。群臣言之而朕未行。或卿等言之。朕未即聽。用此圖書以進。不憚再三。冬十月。冊妃張氏為皇后。郭氏為貴妃。李氏為賢妃。追封妃父麟彭城侯。冊立皇太孫瞻基為皇太子。次子瞻垓等為王。鄭越、襄荆、淮、滕、采、衛以兵部尚書陳洽掌文趾。布按二司事。代工部尚書黃福還京。福居文趾。十八年矣。詔舉德性淳篤。行止端方。材能出衆。政績顯著。或文學堪稱。識見優遠。諸儒輩忠臣也。宜從寬典。至是赦奸黨族屬。凡教坊司院。各還舊功。臣奴者。悉放。軍家。給還生產。上視朝覺寒。念各邊將

士賜鈔幣有差。趙王高燾奏辭常山二護衛從之。令直隸  
及各都司官軍更番京師操練。上閱諸學士詔辭為益二  
語。勿以崇高而難入。勿以有所從違而或怠。曰。此朕實心  
御等勉之。十二月。葬大行皇帝於長陵。授試事六科監生  
吳信等二十人為給事中。封后兄乘眾為彭城伯。世襲。作  
觀天臺於禁中。上欲進理忤旨。御史舒仲成、楊士奇曰。即  
何以信明詔於天下。上悅。勅獎士奇。赦仲成。給事中黃驥  
極陳西域賈胡入貢之害。嘉納之。  
弘熙元年己巳春正月壬申朔。上御奉天殿受朝。設樂不  
作。以大學士士奇言罷。給朝覲官葦牧之例。初允行。旨不

卽下。上恐士奇為奏行者所射。遣陝西按察使陳智以太僕  
徵納。疏爭憲綱。上批智疏嚴行勅止。士奇入謝。古人有云  
陛下知臣。臣不敢矣。上曰。維今。今有不便。與朕密言之。大  
祀天地諸神祇。以皇祖皇考配。命內官監太監鄭和領下  
番官軍守備南京。特追贈交趾死事劉儵太子少傅。謚節  
愍。上曰。婦人盡節。其夫尚從。推格况大臣捐軀報國乎。改  
兵部右侍郎張信為錦衣衛都指揮同知。世襲。信。英國公  
輔從兄也。二月。加國子監祭酒兼侍講胡儼太子賓客。致  
仕。進恭順伯吳克忠為侯。封其弟管者廣義伯。帝念夏原  
吉釋獄之言。勅北京諸司復加行。在二字。頗決計。欲都南京。

三月、擢前光祿寺署丞權謹為文華殿大學士、儒士吳訥  
為監察御史、大理少卿、戈常謙言事懇激、上欲罪之、以士奇諫  
止、免朝參、且諭士奇曰、朕能知悔、若律外深求、法司執奏、  
至三至五、如不即可、三公大臣合奏、必允而後已、永為定制、  
進河間王張玉、寧國公王真、榮國公姚廣孝、東平王  
朱能、四人並配享文皇帝廟、庭諭刑部尚書金純止、官刑  
且曰、彼圖進身而絕祖嗣、豈有誠心事君、朕決意勿任、此  
輩禁內外告誹謗者、以柴昌伯、陳智為征彝將軍、征交趾  
叛人黎利、徙岷王棟於武岡、趙王高燾之國彰德、漢王高  
煦子瞻斯有罪、發鳳陽守陵、先是圻憾父殺其母、屢發父



過。惠文皇曰：爾父子何忍也。至是，高煥悉上圻先後覘伺朝廷諸不敬帝者，示之曰：穉子不足誅，其省過皇陵。

夏四月，免租。山東及淮徐半稅。停罷一切官買物料。士奇曰：或令

戶工部知之。上曰：稍俟之。有司慮國用不足，必有不決之

議。內璽以行，以鄭府審理正俞建輔言人。心鄉試有司

先行審訪，務得行止端重。議論切實。年過二十五者，方許

入試。廷臣或上書誦太平，上以示士奇等。且曰：朕去年授

卿等四圖書，俾言事。士奇曾封五章進看，諸無一也。豈朝

廷果無闕政乎？義幼孜、榮有慚色。時南京屢奏地震，命皇

太子往謁祭諸陵，因留南京監國。帝明於星象，甲寅夜，帝

觀星象有感。語大學士士奇等曰：天命之失，歎息而赴。明日，召義與士奇諭曰：朕監國二十年，為曉隱所搆，心之艱危，吾三人知之。賴皇考仁明，得荷保全。言之法然。義士奇亦隕涕。帝曰：即吾厭世，後誰能知吾三人同心。遂出二勅及二印。義得忠貞印，士奇得貞一印。且曰：惟后非賢，不惟賢非后，不食君臣相遇難矣。五月上諭蹇義、御史係朝廷耳目，非新進小人。不達國體者，可任。彼棄可為之權，遇事風生，以喜怒為禍福，以好惡為是非。寵枉拒直，徃或有之。且都御史廉清公正，道之表章。爾吏部其亟慎選擇，以清風紀。改翰林侍講李時勉、羅汝敬、監察御史時勉，以時政

達節條陳率直。上佛命武士撲之。斫其脅。三曳出不能言。下獄。汝敬在口訛囚一。一章。至三上。亦收錦衣。時勉創自愈。目是無廷諫之臣。五月十有一日。上不豫。

召養義。楊士奇、黃淮、楊榮、至思善門。命士奇書勅。馳召皇

太子南京。次日庚辰。大漸。遺詔傳位皇太子明日。帝崩年四十有

八。帝處讒譖。益備謙順。被服寬博。宛若儒生。留意疾苦。凡

遇水旱。齋居露寢。賑貸不違。邊將陞辭。每日民力竭矣。慎

毋貪功。違命獲功者不賞。勅諸司崇寬厚。戒深刻。又曰。國

家恤民。必自去駐吏始。樂聞直言。間有弗逆。無幾悔悟。帝諸

經皆通。卜筮不用俗占。必取正周易。於程朱之說。信之。尤篤

經皆通。卜筮不用俗占。必取正周易。於程朱之說。信之。尤篤

省答。

不寔與光廟。並在失

中所憂在明謹。一貴祀鄭

心畏人言。而文皇氣數一決

以惠更有特甚焉者。及攬大

心。諸善威備。較一川之措辦

雖然

日被物

罪性錄帝紀卷之五

宣宗章皇帝



宣宗憲天崇道英明神聖欽文昭武寬仁純孝章皇帝名  
瞻琪母孝誠昭皇后獻廟既崩宮中祕不發喪又以皇太  
子在南京命鄭王瞻埈襄王瞻塔監國備他變六月皇太  
子至自南京始發喪十有三日皇太子即皇帝位大赦天  
下以明年為宣德元年  
秋七月上大行皇帝尊謚尊母皇后張氏為皇太后冊妃  
胡氏為皇后張氏為貴妃罷弘文閣命直閣楊溥回翰林  
學士原任仍命溥與士奇同理內閣事進東宮舊官左庶

子陳山為戶部左侍郎。洗馬陳瑛為禮部右侍郎。戴綸為  
兵部右侍郎。中允徐元達為鴻臚寺卿。贊善簡從善王讓  
為翰林院侍讀。中允林長懋出為蔚州知州。綸尋出鎮  
交趾。長懋與綸常於皇太孫時交口諫。無出。衛帝以是却  
之。未幾二人皆以怨望坐逮。上親鞫。綸立筮。死。長懋長繫  
且十年。正統中始釋八月。勅修太宗仁宗兩朝實錄。九月。葬大  
行皇帝於憲陵。

冬十月。命陝西都指揮李英勦捕曲先安定等處叛番。擄  
安定王。仍令英乘勝討平西番。即兒加族之亂。加左都督  
進會昌侯。十二月。瓦剌馬哈木立脫脫不花為可汗。

宣德元年丙午春正月。漢王高煦遣人獻元宵燈以觀朝。  
廷上報謝。二月。禮部進耕籍儀注。上曰。親耕亦故事。人主  
試輕徭貴粟。禁止遊食。愛惜蒼生。明德馨於上帝。則不待  
親耕。民自勸率。三月。征彝將軍陳智等敗績茶籠。  
夏四月。太子太保禮部尚書呂震卒。以胡漢代之。奪陳智  
將軍印給成山侯王通。率步騎十萬人。總兵交趾。以尚書  
陳洽叅贊軍務。荆智及方改官。立功自贖。上一日罷朝。語  
群臣。朕且棄交趾。塞義夏原。吉不可上。顧士奇。榮二卿云。  
何對曰。陛下此心。固天與祖宗之心也。即漢元帝猶能罷  
珠崖不問。况朝廷乃無宏度乎。五月。擢陳山戶部尚書。謹

身殿大學士、改禮部右侍郎張瑛為左、燕華蓋殿大學士、並入內閣、預機務、禮部奏總旗衛整剗腸愈母病、上曰、為孝有道、比臧性、高皇帝明禁在其勿許。

秋八月、漢王高煦反、上親征討平之、高煦起異志、走塞英、國公輔、須內應、輔發之、楊榮首請親征、帝有難色、夏原吉為決計、辛未、車駕發京師、次楊村、或曰、高煦且將濟南為窟、不則從、搃南京、帝曰、濟南未易攻、彼護衛顧其家、安得釋樂安南下、高煦外誇詐、內寔怯、臨事狐疑、輕朕、新立、倖萬一、聞朕親至、膽落矣、高煦初聞楊武彥薛祿將兵、搃臂喜曰、此易與耳、及聞親征、果懼、上下喜樂、安曰、張教失國。



本之貫高。淮南受誅。始於伍被。王其疾出所為倡亂者。朕當與王除過。高煦不答。以兵壁其四門。諸將請疾攻。不許。復騰勅諭之。高煦夜焚其兵器。及交通諸謀逆書。詭入宮。不令偽都督王斌知。間道走軍。伏地稱萬死。遂收坐同謀。脇從者不問。廢高煦為庶人。繫大內道。還城。一日。上往觀之。粹伸足仆上。遂覆甕。鎔死。上既擒高煦。尚書陳山等請移師彰德。問趙罪。榮義原吉皆是山言。命士奇草詔。士奇持筆不下。力言宜安趙。以安皇祖在天之靈。而楊溥亦贊士奇議。上初不懌。卒不舉兵。遣駙馬都尉廣平侯素容。左都御史劉寬。手勅諭趙。示以諸告密書。王盡獻護衛。謝罪。

上語士奇曰。使朕不失為親。卿之力也。成山侯通討黎利不利。尚書陳洽指揮何忠死之。許少保大學士黃淮歸田養疾。疾愈供職。

冬十月。加檀凱五品俸。仍思州府通判。凱善撫循。九載當陞。思人萬里乞留。許復職。釋翰林侍讀李時勉。復其官。宣德二年丁未春二月。賜輔臣蹇義五人等圖書。三月。大學士榮以驕虞復見。獻頌。復命安遠侯為征國副將軍。黔國公沐晟為征南副將軍。率步騎七萬。兵部尚書李慶贊軍務。協討黎利。未至而成山侯通已大破利。斬其偽司空司徒等卒萬人。利退去。復陷諒江。中官馮一智指揮劉順。

知府劉子輔死。利請和通以聞。而升繼至。輕敵破大小  
關隘數十。遇伏倒馬坡。戰死。都督崔聚、史安、陳鏞俱被執  
死之。七、萬人無還者。尚書李慶病卒。初陳洽累請復任黃  
福以慰交人之思。詔從之。至是福為交人所德。羅拜泣曰。  
公不北歸。我曹不至此。爭上飲食及白金。肩輿送出境。福  
諭以順逆之理。切賊終不忍加害。至龍川。福以所餽歸之。  
官都督僉事山雲佩征彛將軍印鎮廣西。

夏四月。廢晉王濟。嬉為庶人。安寘鳳陽。六月。遣北和寧王  
阿魯台。瓦剌順寧王脫歡。亦力把力。至思朝貢。

秋七月。建鎮遠侯顧興祖下獄。成山侯通懼陷利。教利偽

稱安南故王孫嵩為名而為之請立嵩。上問英國公輔。輔曰。此詐也。臣出請以一年擒利。而上心厭兵。以士奇策議。竟與利平。立嵩。利還所掠都督等一萬三千三百九十人。通引師歸。宥死革職。

冬十一月。皇子生。母孫貴妃。大赦。十二月。皇后胡氏上表。讓位。賜號。靜慈仙師。退居別宮。遂冊孫貴妃為皇后。既而張太后憐故后胡氏。命仍居清寧宮。進膳如常儀。每燕會。必居孫氏之右。以黃福為戶部尚書。改南京薛瑄為監祭御史。瑄奉程朱之學。以道自任。內閣士奇等折柬邀見。瑄曰。某職糾彈。不敢遽望顏色。朝廷肅然。上聽講文華殿。至孟

子辟紂章曰、太公之心在當時。伯夷之心在萬世。無非為天下生民計。出典處一也。

宣德三年戊申春正月、冊皇子祁鎮為皇太子、后父孫忠為會昌伯。三月、小西氏譏、流徙至南陽、萬有餘、有司軍衛各遣人捕逐、上聞之、曰、民飢流移、正宜撫恤、急發賑濟、隨所至居住、有捕治者罪之。

夏五月、贈祭文趾死節諸臣、時部官御史頗酗酒、相繼敗、帝為作酒諭示百官。汝南王有勲、新安王有熹、以罪先為廢人。六月、閣臣士奇退朝、閉門謝客、榮頌通請謁、帝曰、讓榮、曰、若皆如士奇、兵民休戚、孰得而知、帝悅。

秋七月、寧王權貢扇、奏求織笛。上曰：古人謂笛者滌也。以  
滌邪穢。寧王之意。其在此乎。命工製與之。八月、皇第二子  
祈鈺生。工部尚書吳中坐入官物營私第、下獄。帝親問邊  
九月、至喜峯口。忽報元良哈以萬騎內擾。諸將請益徵兵。  
帝曰：無庸。寧知吾在。喙走耳。此出路隘且險。吾縱鉄騎  
三千。出不意搗之。至寬河。鹵倖逆戰。帝分鉄騎為兩翼。夾  
攻之。親射其前鋒。墮三人。鹵潰走。帝以數百騎逐北。鹵望  
見黃龍轟。始知帝親征。悉下馬。羅拜請降。斬其前渠。以衆  
歸。大饗士。親作詩歌勞之。以忠勇王金。忠功多。加太保。  
冬十月、擢通政使顧佐為右都御史。佐公廉有威。照御史

不肖者二十餘人。其最甚發遼東充吏。右都御史劉觀貪墨收獄罪當死。宥之。子福成遼東。擢福建按察使。邵玘為南京右副都御史。時諸司玩弛。賍穢成風。玘復奏。然不肖御史三十餘人。紀綱大振。與顧佐齊名。十一月。城獨石。衛棄開平。蹙國蓋三百里。而興和亦廢。宣德四年己酉春二月。或訴都御史佐嘗受賅金。縱歸。上付佐自治。佐竟不治。訴者上聞之。喜曰。佐得大體矣。已復有囚告佐枉。入上曰。此必有重囚。教之。果千戶臧清。代為誣佐。立付清市。

夏四月。代州署訓導舉人曾鵬自陳年少。不堪人師。願就

他職改泰州典史。寧王權上書忿戾，稱上給諸王祿米分  
品級，違祖訓，上以恪遵成憲正諭之。五月初，設鈔閱。

冬十月，調大學士張瑛、南京禮部尚書陳山、專教內監俱  
罷內閣之任。從楊士奇之言也。閱武近郊。

宣德五年庚戌春正月，少保戶部尚書夏原吉卒，贈太師。  
謚忠靖。三月，清明節，帝侍皇太后謁長陵、獻陵，歸塗詢田  
間稼穡之事。人各賜鈔六十錢，一路如之。親為記農夫問  
答語。以此周公無逸之意。改江南民運為兌運，頒寬恤之  
令。

夏四月，朝鮮國王李駒遣使獻青鷹，答賜玉磁器，曰朕所





嵩自入貢請命帝以利為安南國王是後朝貢不絕  
冬十月車駕巡邊諭成國公朱勇扈從官軍不得擾民間  
一恣犯者死。踰雷家站度鷄鳴山召諭諸學士等。昔唐太  
宗勇征遼出此。喪失故不少。可為後鑒。又問相傳此山之  
崩。北元亡。果然乎。金幼孜對曰。山不崩。元自亡。帝曰。誠哉。  
國之存亡。係君之德。不德而已。時久不雪。車駕還京師。大  
雪盈尺。因作詩志喜。群臣屬和。十二月。舍譽星見。群臣來  
賀。封昭皇后弟張昇為惠安伯。浙江巡撫侍郎成均築捍  
海堤。

宣德六年辛亥春正月詔北直隸地方新墾荒田永不起

科、連、巡、按、江、西、御、史、陳、祚、下、獄、籍、其、家、祚、初、以、庶、吉、士、言、事、謫、武、當、山、佃、戶、且、十、年、至、是、以、御、史、馳、疏、進、大、學、衍、義、脩、經、筵、忤、旨、連、其、家、人、咸、見、收、帝、論、井、田、毅、曰、誠、能、省、徭、後、薄、征、斂、重、本、抑、末、何、拘、拘、古、法、為、哉、

秋、七、月、上、以、蹇、義、言、頗、微、行、滿、下、二、十、刻、以、四、騎、幸、士、奇、宅、稱、范、太、監、私、至、門、士、奇、驚、伏、勸、上、毋、褻、至、尊、防、不、測、次、日、不、入、謝、帝、讓、之、曰、臣、心、揣、栗、未、已、豈、敢、言、謝、後、旬、餘、有、二、內、侍、嘗、殺、人、捕、急、謀、挾、弓、矢、伺、劫、上、玉、泉、寺、捕、盜、較、尉、變、服、入、群、盜、中、得、其、謀、以、聞、上、既、誅、罪、人、賜、士、奇、文、綺、比、入、謝、上、曰、愛、朕、莫、若、卿、自、是、不、復、微、行、八、月、忠、勇、王、金、忠

卒。宛平縣民以果園地施崇國寺。戶部請蠲其稅。上曰：民地衣食之資。棄所資而求免稅，不可。勒還民。

冬十二月，大學士金幼孜卒。贈少保，謚文靖。

宣德七年壬子春正月，以元朔日食，免朝賀。下詔求賢，出御製擬倚蘭操及四言招隱詩賜諸大臣。二月，頒寬卹之政，以減官田租額為首。

夏六月，詔脩各郡縣廣濟倉備賑。

秋七月，上閱元趙孟頫所繪豳風圖，語廷臣曰：此有周王業之所由興。萬世人君皆當鑒此。蘇州知府况鍾疏請申飭御史出巡，勸懲得體。上從之。八月，上於宮中得尚書黃

福初贊漕運時所言便民數事。喜其志慮深遠。思有以述之。改南京戶部尚書。

冬十月。八百大甸土官。以之雅入貢。白葛達國及天方。獻德。邛諸國。遣使朝貢。

宣德八年癸丑春。正月上元夕。張燈內苑。上侍皇太后。往觀。典皇后皇太子稱觴。上壽。次日。許文武諸臣。及四彝朝貢之使。咸得遊覽。諸臣獻詩歌稱賀。二月。典史曹孫係。舉人。教職所改者。乞典會試。許之。及對策稱旨。遂冠及第。授翰林備撰。致仕。少保大學士黃淮。以謝恩。至。帝作詩送之。秋八月戊午。景星見於天門。少詹學士王直。獻頌。南海諸

番國各遣使獻麒麟凡四。士奇復獻頌詔各布按二司府  
州縣連名保舉賢良方正一人。天下生員年四十五以上  
者、考選貢國子監。自臨御以來、三科進士詔詣文華殿親  
試之、拔其尤。鄭建等二十八人。與脩撰馬愉等編脩林文  
等、同肄業文淵閣。又考在外庶官之有文學優等七人。歷  
事六科以備用。巡撫南直隸周忱奏定濟農倉之法。  
冬十月、平江伯陳瑄卒。謚恭襄。十一月、脩理南京宮殿。十  
二月、太子太師戶部尚書鄭資卒。贈湯陰伯。謚忠襄。官其  
子佑戶部主事。資受春三朝貧不能葬。

宣德九年甲寅春正月、行戶部員外羅通奏運糧開平計。

人馬資費率以二石七斗致壹石。今有願運米開平納鹽  
糧者請將舊例二斗五升減作一斗五升。總計一人納五  
百石。可省什糧二百石。從之。三月交趾國王黎利死。二子  
闇弱。奸臣黎問黎察構黨為難。諒山土官阮世寧。七源州  
土官阮公庭率家屬却卒來歸。賴就詔州及太平石居住。  
詔廣西總兵山雲善安插之。

秋九月車駕巡邊。至洗馬林而還。霍州學士曹端卒於官。  
端學以躬行為主。本於專靜。居喪有禮。多著述。在霍序十  
餘年。改蒲。霍諸生上章留之。遂卒。霍郡人為罷市。即童子  
婦人亦悲泣。物論稱有明理學之冠云。鑄宣德通寶鈔。

冬十二月、元刺順寧王脫歡遣使昂克朝貢、言已殺阿魯  
台、得其玉璽、欲獻、上勅之曰、阿魯台之殺、具見王克復世  
讐。觀前代傳世之久、歷年之多、皆不係玉璽、既得之、可自  
留、用。有僧自陳乞緣治利、祝延聖壽、上亦之。獨侍臣梁式  
宋徽效驗可知矣。

宣德十年乙卯春正月上、不豫、越朔之三日、崩、壽三十有  
七、帝天資英暢、動咨成法、間有直言忤旨、旋復覺悟、嘗謂  
侍臣曰、古王推心置腹、人樂為用、若知而不用、用而復疑、  
惡在其為一體也。時皇太子方九歲、浮議頗及、長君張太  
后已取襄府金牌入內、學士士奇、榮、典、英國公輔入臨、請



見皇太子。頓頭稱萬歲。浮議。逸息。初十日。皇太子即皇  
帝位。

論曰。帝知兵。能不窮遠。工詞章。意不忘咨。傲文武為憲。  
古以嘉良臣。而帝德。兼之。誠有度。越百王者矣。太祖不  
以僖。崖化外。命良吏撫之。曰。今天下一家。何忍彼此。通  
此意。交。和。可。久。在。版。也。清化再。矯。命。實。自。培。尅。不。究。其  
源。而。坐。棄。之。復。罷。開。平。廢。典。和。祖。宗。辛。苦。肇。造。視。如。敝  
屣。豈。古。南。服。後。世。不。寧。再。關。乎。誠。以。僖。崖。視。諒。江。等。府。  
勞。未。輯。寧。特。為。加。意。使。之。氣。靜。靜。則。難。動。而。徒。以。去。京。  
殷。遠。左。遷。者。不。於。此。上。輕。其。地。則。受。此。地。者。必。自。輕。兼。

以刑人。鍛鍊之。飲毒莫訖。夢未釋戈盾。扶之復起。益痛。吾不意。扶小成業。出帝。即士奇榮。其何能。辨罪。